


書

龍
眠
風
雅



龍眠風雅卷五十七目錄

木厓潘 江蜀藻輯

江都宗元鼎定九

同里齊烈祖秩斯 叅

方孔矩 三十八首

張秉哲 四十二首

方道乾 七首

倪士棠 二十五首

陳伯英 三首

錢旦仍 四首

倪甄善 三首

左國斌 五十二首

龍眠風雅卷五十七

木厓潘 江蜀藻輯

陳伯英

字千之順治甲午副榜家于東鄉之柳峰年十二隸弟子員鄉黨以神童稱之性豪曠不羈精河洛西銘之學詩賦特其餘技嘗曰詩道性情非可以艱深得者也故衝口成章不經師匠年七十步姚休那先生自祭詩百二十韻黃岡杜于皇謂其二酉在胸一貧到骨詩則雲錦立成天衣無縫洵篤論也于皇於時流多怪少可獨推轂千之子雲知子雲豈阿好哉嗟乎千之與吾友齊子古愚同年中副車千之詩猶賴吾門人王子浩生接以寄予而古愚不能詩無從表襮可爲三嘆

吳素夫楚遊寄贈

湖海年年賦遠遊
逢迎到處足風流
斗間自管推雙劍
江上無緣共一舟
太史文章因涉歷
陸生裝橐好歸休
故人饑卧空山裏
積雪何曾有傲裘

音韻月牙卷三十一
挽高道臞先生

大江南北數才人可憐京華未致身鴻寶枕中堪作古
鳳毛池上又重新交情一任淡如水瘦骨應知別有神
一慟寢門誰和我聲聲鴈唳徹秋旻

步休那先生七十自祭一百二十韻

姚休那自祭百二十韻博雅跌宕是爲詩史余
嘗愛之今余亦稱七十矣老不成名猶期聞道
不辭取笑聊以效顰好我者張之壁間以當頌
祝之詞庶幾陶與姚不專美也

賜杖懸車皆此際香山洛社正其時藏書幸有枕中秘
挂壁何須錦上詞日月兩丸停瞬過乾坤一隙問心知

納新吐故方奚益嘆老嗟貧意更卑山海未嘗無蠱陷
兔烏頻見幾盈虧絛鞵枉自囚鸚鵡林澤憑君走鹿麕
今我頭顱成老醜當年骨相故岐嶷鴈揚曾入先人夢
駒血寧非夙慧基屬對數齡霏玉屑讀書兩目映琉璃
家嚴早背沾衣泣大父相憐拭淚窺百里受經形影弔
隻身寄食往還疲偷光隣火常繙史學步殘編卽解詩
日守寒窓寧待伴偶成異句大驚師欣逢當道咸邀賞
歷試艱題總不辭鄉衮愛才爭矜眎黷宮逐隊表歲莪
馬稱千里忘蹄齒寶重連城畧類玳禹穴卧薪嘗霸越
趙軍拔幟在奔泚鉢存餘粥猶堪畫架剩遺田且漫留
桃李在門偏種竹蓬蒿塞徑更栽橙杜陵三賦時爲獻

延水雙龍合自奇，訂僞渡河無亥豕。讀莊會意有蛟夔，
筆波獨駛傾三峽。文面羣看轉九疑，篇值千金何處賣。
字酬匹絹孰爲貽，中原沸鼎魚安托。大地焚林鳥豈支，
鹿失韓盧空自逐。蛟潛鯁鱔亦相欺，風培已厚霜翎峻。
水擊雖高雲路岐，一誤副車神忽忽。三年再舉意怱怱，
睂山遂失廬陵遇。淮水空思漂母慈，燕雀豈知鴻鵠志。
鷦鷯難占鳳凰枝，孟明屢北原非恠。屈子孤吟可自比，
憔悴忽腴因戰勝。徉狂復醒頰塵離，玉樓不作文當緩。
垂技稍工禍又罹，食客漫連村學席。柴車浪逐玉輿綏，
引商下里終奚用。長嘯蘓門樂不疲，梁棟手多蓬葦製。
廬術半馬牛，醫點頭有石。今皆似解語，惟鷄別覓誰。

要謁龍門羞代掃，欲懸馬帳愧須貲。因思立雪從遊日，
獨擬凌雲入幕私。豎義止標一指偈，論文如錫十朋龜。
王孫悔識相如晚，天子安通得意爲。鹿洞且將爭壁壘，
梁園寧止樹壇壝。麟遊忽避豺狼窟，龍戰開端雁鷺池。
豹在霧中文愈蔚，珠藏澤底岸終麗。東山捉鼻情如見，
蓮社攢睂事可追。家史崆峒編足據，律詩長慶稿仍遺。
自甘正字琴先碎，不向齊王竽妄吹。垂臂偶沾旋謝太，
豬肝纔得卽歸馳。孤鴻未敢貪梁稻，野馬何當聽繫維。
短褐時親收橡栗，長鏡特用剷蒲葵。濁醪吸等金莖露，
枯葉焚同太乙藜。黃犢乘來三里穩，白茅捲盡數椽危。
縱然伏處如蠻觸，詎羨峩冠聳駿驥。曩日悼亡憐故劍，

八年浪迹輒空帷文君琴操非吾願德曜荆釵必再諮
幸爾後先無異轍不聞涼燠有殊施兒方彭澤書知好
妻近於陵相不移五岳未諧婚嫁愿十洲聊作卧遊規
無功良醞雖恒戀公述虛恭豈足羈卜宅僅同舟作屋
耕田孰意豆爲其上書買誼何庸哭下第劉蕢今有祠
愚叟本愚休更號晦翁終晦不因著文章光焰凡人見
聲氣旌麾下駟靡灌絳區區寧足伍融修落落且稱兒
談時塵尾渾忘倦字裏蠅頭尚未斂擲我青衫初脫械
覩人朱轂有行尸先生好好誰能辨國語非非不若唯
繒裂止知妮艷似純藏莫悼棄班姬嗜音妄許無絃軫
好古惟尋沒字碑悅草徒誇皮是虎食桑不改眼猶鴟

操觚浪覓金針度帖括都隣塵飯戲焚硯欲將初業廢
握鉛便覺素心隳霾深七里誰能撥塵暗千層惜已遲
蓬不生麻無曲直涇雖近渭自偏畸嗣宗窮後能無哭
蘓軾生來不合宜浮渡有魚堪把釣柳峰薄畝足扶犁
夔龍接踵伊何日顏跖同歸總一疇半菽忘憂驕列鼎
高粱恐折亟誅茨三冬衣葛交應絕五月披裘某在斯
敗糲不堪酬酒債冷泉聊以沃詩脾一丁不識才凌鄴
數斛纔收富擬鄒蘭室斷金銅聚臭葭叢倚玉貨論差
豈知儉腹囊無量偏是寒廬蓄不訾赫赫桂林宗孟氏
巍巍桐嶽奉宣尼晚年獨得蒙青眼先進因而讓白眉
兩畫玄黃寧在卦一場黑白詎惟碁鐵關誠意誰能入

玉鑰良知先自持水乳原從形外合火薪不比世中期
悠悠俗態翻騰口逐逐時趨儘采頤北面自違夫子訓
西州長抱野人悲光陰七十滄桑幻世界三千傀儡提
懷舊終身就寂寞傷心觸緒總離披經緯不煖寒氊席
詩卷徒攜冰雪隨怪事書空常咄咄牢騷填臆每纍纍
冷燧恥共屠兒嚼婉變奚辭季女飢一局全輸半半壁
東隅已失待崦嵫韞珠安肯輕彈雀斗酒惟宜往聽鸛
只說梅花經臘放那堪柳質望秋衰蛙蝦陣內矜魴鯉
瓦礫園中認鼎彝鉄骨幸無腰下組繡腸其奈鬢邊絲
勿言孰得蕉兼鹿始信誰工聃勝夷腐芥未聞能取珀
曲針安可槩投磁以茲對語寒山石斷不因人熱脚棄

克溢貴官猶惜李蕭條高士僅茹芝柑黃豈識中爲絮
孤白寧容反著皮精衛漫存填海志螳螂妄作輔車搯
交親淡冷多因懶山水纏綿頗似癡可惜削平餘竹杖
無端煮熟贖哀梨近窻素月長爲友遠嶺閒雲疇與遺
夢裏蝶莊皆栩栩起來跼舜各孳孳霜凝風定蛩依砌
雲薄天高水落陂逆旅主人都是寄住山行脚莫相嗤
橋間勝敗從撐拄槐上封疆任嶮巖騎走羊腸休用策
舟過灩澦可輕艤散材溝斷那循墨躍冶頑金不受椎
皂帽遼東居士服葛巾栗里達人儀呼來牛馬吾皆應
歲在龍蛇命所司但向壺中爭甲子恥于籠內定雄雌
千秋旦暮誰分爾七尺昂藏肯負伊萍跡偶遭奚聚散

花茵旣褪孰妍媸慈航弱水宜先駕棧閣蠶叢應早治
倘悟須彌原芥子何難跬步即天涯

方孔矩

字爾從號三峯司農玉峽公之仲子也少孤能自立崇禎己巳與予同補博士弟子員予

年十一爾從年亦僅十五也順康以來久屈舉場家貧好遊足跡所至輒歌咏成帙性忼慨遇不平每爲憤盈他人雖盛氣凌之不能奪與兄爾止弟退谷詩名在伯仲之間

不寐

有客有客在西湖行李蕭瑟形容枯沽酒一尊銷永夜
不到三更酒力無成鼓聲聲催旅夢寒蛩亂泣客心孤
窓間殘月等閒色枕上離人看不得照我羅幃影漸寒
展轉私情徒脉脉

李芥須東臯草堂成招飲

芥須先生茅屋成春晴招我出郊行扶筇安步祇里許
烏石山頭笑相迎門開荒徑未全掃一望便覺幽居好
塵囂不到又負郭此中真可賦偕老眼前春色帶烟蘿
四壁琅琅富詩歌其間作者不一體惟有還山詩最多
還山交君如骨月知君生平及幽獨贈君血性驚人詩
令我讀之轉痛哭讀罷君呼酒滿卮我亦爲君醉不辭
牢騷對酒不能已須臾日落西山陞祇今咫尺難長聚
况復饑驅愁行路幾時結廬傍山阿與君晨夕吟詩句
中秋同中丞仁植兄龍山看月
長嘯對青天山空月更圓庭香清在樹夜氣澹如烟作
客殊方久思君此地偏况逢秋色好痛飲自忘眠

雨後過大龍山

萬山澎湃後曉發破新苔雲氣尚含雨泉聲不辨雷水
穿層嶺斷花怨早春開前路衝泥怯呼童傍我來

憶爾孚弟

憐予仍失意安邑任淹留枕被愁生夜池塘夢入秋家
貧難閉戶客久倦登樓多難應同調寒霜泣做裘

夜

蕭瑟秋聲起幽棲戶不開寒鴉窗外宿孤鴈夜深哀劍
冷長途匣詩親獨坐杯窻虛留月影暫與客徘徊

曉發北峽關

曉起霧涵雨東風吹漸收路危巖馭馬春黯厭聞鳩極

目村烟渺平田草樹稠饑驅何日慰閒却老黔婁

自合肥至霍山途中雜咏二首

雲捲野天空清郊望不窮秧針晴刺水麥浪晚翻風路
遠催行李春殘剩太鴻愁心河畔草嫩綠已成叢
四月春猶在殘花幾處紅短墻茆屋閉絕澗板橋通林
密霧成雨山空松自風向來人跡少樵唱白雲中

蘭谿道上

浪遊何所極千里布帆輕容似經秋倦風因返照生牛
羊閒野浦橘柚點山城一望烟林渺歸鴉處處鳴

夜飲徐武靜高會堂

獨坐愁寒夜書來忽見招相逢燈下話難向酒中消近

海魚何美初春韭正嬌却忘歸路遠醉裏渡危橋

九日同凝齋兄暨兒姪輩登高

九日多爲客三年獨在家浮名無我分濁酒有隣賒北
郭同遊屐東籬且看花一尊拚盡醉隨意坐晴沙

初冬同李士雅家梅師退谷子山訪王鑒公山莊

十月山城外山光又不同晴沙平欲白凍葉尚留紅茅
舍前溪隔柴門窄徑通四時新釀熟樂與故人公

汶上夜坐寶相寺

故園千里外月是一般圓照得人無恙那知客可憐親
朋書札斷兒女夢魂牽此地風先冷清秋耐早眠

感懷

牢騷無限意又見鬢毛斑萬事付流水一心思買山詩
書前世業衣食老年艱繞膝徒多累相看爭駐顏

病

經秋何病苦暑毒中人腸痛楚誰能語支離強自將燈
爲長夜伴藥是老妻嘗此外俱空幻無須暗慘傷

秋鴈

秋清風力勁嘹唳自天聞个个能成字雙雙不亂羣更
巖荒浦夜響徹碧霄雲去住知多少空教目送君

秋盡苦雨

飄搖常有恨况復送秋天積雨愁難遣中庭濕可憐畏
寒空憶酒却病早宜綿自嘆貧兼老隆冬在眼前

思歸

月又圓如此人今猶未歸孤棲清院夜空憶暮春衣草
已多時綠花將開鳥飛還家能計日甘掩北山扉

秋田二首

飄零幾度感滄桑猶幸重來問稻梁密樹蟬音分斷續
平疇秋色間青黃午餘石榻催人睡日落園蔬近酒香
避亂只宜農圃事儵然身世兩相忘

故園秋至一登臺十畝依然半草萊香稻刈時枯粒落
黃鷄啄處引羣來愧當樂歲難多獲漫喜良田可漸開
乞米久無仁祖在獨行擊木影徘徊

將遊吳門懷爾止兄

楚歸予正客秦淮返權君先去水涯隔歲鯉魚潮未至
近秋鴻鴈影多乖黃冠不動鄉園思白髮應牽旅夜懷
却恨饑驅難閉戶茱萸插遍可能偕

月夜同吳湯日水部潘若狷廣文暨吳于廷何令

遠登玉峰

登臨聊寄客中身俛仰儵然迹未陳萬井烟浮隨夜靜
千峰月出爲秋新人于逆旅偏多聚酒到名山不厭醇
聽罷吳歌歌欲起傷心何處擣衣頻

懷陳子垣

故人高况近何如百尺樓頭幾卷書三徑草深難謝客
空梁月落獨愁予襟懷對酒疎狂甚貧賤離家感慨虛

羨爾山田猶負郭朝看烟雨荷犁鋤

贈井公弟新居

流水橋邊一徑紆十年前有阿兄居繡山也自從作宦攜家去便覺經過此地球又喜同心為卜宅敢辭暇日嘆無與才名不減當時客屈指秋風恐棄予

七夕同浦甄玉張荀仲慶餘飲呂季芝明府

槐陰歷歷好婆婆悵望中庭夜色和客醉共依千里外月明偏是半輪多人間巧向何時乞天上橋應此際過祇恐秋期猶有待今宵未必渡銀河今年閏七夕

寓大覺寺和雲僧房

城西大寺劫灰餘殿宇荒涼鳥雀居剩有僧房常閉戶

可容過客一停車閒看老衲烹藏茗倦檢殘經當古書盡日徜徉歸未得且將踪跡任蘧廬

東阿道上

出郭揚鞭上小堤平明溪樹曉烟迷傍村古廟無人跡逐路殘墩送馬蹄直北喜看山拱縣多年不見柳沿蹊縱經烽火何時事一望荒原更慘凄

哭退谷弟

旅櫬雖歸不見家暫棲僧舍冷霜華親朋一哭情難已鞠紉頻牽恨轉加路入溪山愁雨雪魂依慈母卧烟霞叔母攢于龍眠弟亦耐于此老年兄弟分今古腸斷龍眠日影斜

采蓮曲

家家采蓮女爭唱采蓮曲一樣采蓮心幾人唱出不
采蓮入芳浦輕舟盪柔艣蓮花何太香蓮心何太苦

春怨二首

聞說當年雙鯉魚腹中曾有數行書妾家住在長江曲
日日烹魚剖腹虛

滿目春光不可留年年常作客邊愁閨中莫種宜男草
草未青時郎已遊

秋怨

花容不見主人同記得春深手自栽若使秋風知別苦
海棠昨夜爲誰開

奔奔遇盜

不用彎弓不用刀相逢羣盜正如毛于今暮夜人多少
笑爾江湖何太勞

僧舍除夕二首

歲暮欲歸歸未能相親相伴佛前燈此身疑是西來種
不作僧來也似僧
常羨頭陀靜掩關幾時無事俗緣刪今宵客裏逢除夕
莫道僧閒我更閒

憶海棠

移種庭前十數秋年年花發徑偏幽于今客裏空相憶
料得含香亦帶愁

錢旦仍

字胤升崇禎中邑諸生少穎異舞象時便露頭角爲文不起草嘗吮毫伸紙界畫鳥關閉

日屬思纔半响即一揮而竟不更加點竄亦無能
增損一字者其天分不可及也順治甲午學使者
錄八郡遺才第一卒
被放歸里數月而歿

過蕪關

孤帆搖白日寒雨下黃昏兵燹餘歸路村居半掩門
雲悲塞鴈吹浪隱江豚作客無懷抱凄凉酒一尊

望青蓮祠

年年過此地仰止費吟哦白石開黃閣青松老綠蘿
緣天寶醉詩自夜郎多莫戀君王寵清平調幾何

留別居停司徒斯玉

白社青尊倒接懼交深翻恨訂交遲途窮為我開三徑
世亂從君乞一枝江水不緣烽火斷秋風忽與布帆期

不愁別路無消息岍柳汀蘭寄所思

過山莊

已向江城受一厘更從秦火乞餘椽舊時茂草歸無路
此日青苗賦不全驅犢破雲耕夜月呼鷄帶雨起朝烟
老農亦自懷先澤為我新開數頃田

張秉哲

字濬之號蔚菴順治甲午舉人少孤事母孝
能讀父書博聞彊識每徵事于古人姓字爵
里輒能縷述其詳鮮有罣漏生平無二師自結童
至成人遊吳瞻蘓先生之門能自仞其師承執禮
久而彌恭家有修堂叢桂之下與二三義故講切
摩之益雖屢罷公車其志不少沮也所著有菁園

詩若
于卷

咏史三首

士惟無伎求安往非天真所以羊裘子終為帝者賓太

史占客宿上云吾故人歸作富春叟翻笑渭濱臣桐江
千載水烟雨颺經綸

泝水斬陳餘聞者皆泣血壯士死何嘗所傷交道滅在
昔何交歡今茲乃摧折我來一憑弔禍自刎頸決相誓
共生死忠盡情已竭所以古君子淡交情彌切殷勤豈
不歡翻覆悲晚節

長沙旣謫去古今爲失色世稱王佐才所言尚變革漢
道方全盛季文亦盛德致治貴和平安用長太息猶幸
絳灌儔排之不遺力假令用斯人紛更翻滋惑

偶成

出郭瞻平楚枯株莽水涯凋傷乏枝葉寒風驚白沙借

問此何種云是桃李花陽春咎炫耀紅錦爛雲霞如何
敷榮澤興茲零落差榮枯亦何常霜雪日西斜人生無
百年春華安足誇

孤鶴吟

黃沙捲飄雨邊微響輕雷孤鶴自南翔一步一徘徊氣
積白日蔽素羽蒙塵灰咫尺道路阻不見雲霧開振翼
欲高飛畢羅復相摧翩鍛傷羈留清音亦何哀我聞哀
鳴聲淒淒濁水隈試觀搏天翅豈逾孤鶴才摩天屢困
折動地悲風來

閨怨

飛鳥莫求食夫婿莫求名求食不易足求名不易成况

音耶風雅卷五十七
君萬里覓封侯令妾含顰坐翠樓擣衣對鏡長相憶柳
陌春殘榆塞秋傳聞榆塞已投戈從軍少年歸來多獨
有儂家音信杳疑郎怨郎奈若何昨夜夢魂去邊外彷彿見郎顏色改蓬頭早起卜金錢不願郎歸願郎在

宿上封寺

揮汗嗟行路尋幽到上封深林不見寺曲听但聞鐘暑
氣澄潭冷涼聲過水重千竿修竹裏信宿亦從容

野望

野步不嫌遠閒遊旅思寬斷橋江舫泊臨水寺門寒古
石留仙跡長堤引釣竿荒村人亦好村有野妓也作苧蘿看

同劉石友明府飲胡氏池亭

連袂循荒草穿橋柳葉斜听迎環郭水樹發出墻花籬
竹開微徑池亭獨一家烹鮮淹客坐不畏黑雲遮

江上二首

爛熳三山樹洄游二月槎驚心看節序愁思入天涯來
若因楊柳歸猶及杏花不眠頻問夜客夢已還家
鷄鳴喧解纜灘淺喜舟移漁火一江滅邨烟兩听隨磯
高流自急帆落槩偏宜往返嗟何事長歌握粟詩

喜晤宣城蔡芹溪二首

作客荒城暮愁心對夕陽寂寥同仲蔚繾綣有中郎滄
海何年別瀟川一葦行相看頻握手莫厭語言長

爲憶開元盛鷄壇數二城江上推余桐城及宣城爲二城晨星悲宿草

夜月喜班荆白髮五湖客青門異代名不堪論往事慘
切杜鵑聲

抵金陵晤與三敦四悲賦

自得燕都報懷人幾束裝只今纔把臂相對共淒涼患
至非人意交深只內傷挑燈中夜語嗚咽淚痕長

答和孫易公

又共南歸權重憐北上時關河搖月冷旅館待春遲呵
凍陳三策衝泥賦五噫忽聞新句好欲和已含悲

東彭旦兮

隔歲曾連舫今朝又並舟一帆收霧雨萬里渡河流樹
隱東吳色潮生北海愁隋珠知在握從此莫輕投

盱眙孫夫子夜集玻璃泉

政事無餘暇相攜秉燭遊山空全夜色地靜遠更籌微
落泉聲細深垂樹影幽長淮一片月共上最高樓

東莊孤坐

舊宅原宏敞今來剩幾椽人皆因亂少鵲亦爲兵遷孤
坐天難暝窮鄉雨更連呼童沽濁酒猶有杖頭錢

同諸友人坐南旺湖畔

共逐河堤步臨流別有天人過青草外船繫綠楊前淡
蕩湖光動陰濃日影偏坐談蘊著地日落始言旋

夜宿禪房因懷賢公

君住青山下將招我共遊登峰纔得至飛錫幾曾留園

圍到今在柴荆較昔幽夜猿啼雨急非只為悲秋

采石懷古

石壁頰江濱青松挂暮雲風流供奉跡石勒允文勲狂
客偏耽酒書生亦冠軍停橈懷古烈楓落正紛紛

宿蘭若

空山何寂歷幽鳥獨聞聲微月侵池冷孤燈傍佛明逃
禪寧藉酒偕隱不須名卜宅何年遂編籬便掩荆

客攜花種來開遠齋中走筆索之

閒居無可適春至喜花開種憶吳中好客從何處來山
城增艷賞江權定名材揀擇煩君手凭欄欲

送陳二如之楚

嘗聞漢水廣君去欲依劉客况經千里詩情寄一舟雲
開熊子國月滿庾公樓莫負高堂望歸帆及早秋

脩堂夜坐憶吳瞻蘓夫子

天高清露冷小院鎖重陰獨坐看微月秋聲到暮林昔
年依講席此地共披襟自閉扶風帳悲涼空至今

偶賦二首

細雨孤城烟霧濛驚看倦鳥落長空途窮翻覺為儒誤
興盡難言作賦工年大豈徒慚鄧禹秩卑尚未及王融
悠悠乞米三千里寄食親知兩月中

勿言邸舍雀堪羅竹徑頻經知已過同病結交皆管鮑
浪遊偏幸得羊何探來金盡難拚酒話到心傷且放歌

音甲辰牙卷五十一
豈有長貧如我輩春風幾度到岩阿

方爾止歸里閱其近詩

昨夜江干一和歌隔年秋向故園過吟經吳楚家無定
感入滄桑詩較多聲格漸趨長慶上風流無那永嘉何
相看惟有籬邊菊耐得繁霜映薜蘿

南旺道中

淒涼踪跡似浮萍千里迴流溯建瓴入夏始知芳草綠
向南纔見遠山青高低沙畔鴉迎纜疎密林間水傍亭
風景漸同江左秀歸歟何必怨湘靈

早發濡須

天門水派入濡須五月潮平景物殊不盡柳絲垂兩岫

但無亭榭似三吳青山隱現迎船出白屋參差取道迂
最是斜橋斜渡處滿湖烟雨一洲蘆

暑極喜雨

炎蒸夏日土爲焦瞥見陰雲覆野橋暑氣忽消飛過雨
流聲漸有自來潮空濛天際窻中岫漣漪池塘門外舸
暫憩浮生息勞勩雖非我土亦逍遙

淮陰送別鳴岐之盱山謁孫夫子

柳暗淮陰路忽岐黯然把酒落暉時起居絳帳煩傳語
南北青山怨別離放黜自知非國士生成俱覺負吾師
追陪函丈如相訊從此三年再下帷

喜光輯侯自西江還

策杖驅車路已艱歸蹤依舊出黃山持將涕淚空含血
不爲風塵亦改顏世亂自應無感慨人間且與說間關
當時沈謝俱搖落著得新詩待爾刪

方繡山督餉蘭州書來遣我洮戎

星輶遙指玉關西極目黃雲萬里迷邊塞有書猶附鴈
戟門何日不聞鷄寒烟縹緲蘭山曉落日蒼茫洮水低
于貉舊知風俗美恰逢風雨慰淒淒

重入山有感

絕巘何年披草萊衝寒重向暮雲催橋逢屢渡溪如抱
路是前經我獨來紅葉翻飛新雨雪青山點綴舊莓苔
回思筇杖曾誰共不住清猿夜壑哀

津門

長安信宿到天津重鎮雄開拱北辰地接會通河道古
風高滄渤海潮春千帆樓櫓軍輸急萬里烟波鼓角新
偶泊此間遊覽壯忽忘落魄是歸人

和曹子羽憶妓詩

長堤楊柳鎖輕烟忽憶章臺柳色妍眉黛更添春日媚
爐香初試曉粧前暫停刺繡尋晴陌欲寄迴文附錦箋
知爾相思無限事揚舲莫待落花天

左夏子招飲西樓

微雨孤城宿霧浮揭來著屐到西樓竹林迂曲千竿刻
山色空濛一望收徵士丹青雲外濕高僧翰墨壁間留

樓有文徵明畫
無可上人尺牘
論心自可消長夜况有琴尊事事幽

秋日郊行

閒居無事百憂深况復郊行凉氣侵白露團來還濕屐
黃花開到亦傷心地連蔓草迷平楚樹接楓林遍夕陰
澗底泉流無限水咽吞都是斷腸音

方還青歸里鄉居賦此柬寄

如今生計總宜休解組歸來即勝籌吟咏應添三徑菊
風期不負故園秋莫將跋涉思彈鋏但有滄浪足釣鉤
我亦病甘人世棄龍眠山下許同遊

巖灘

磻溪桐水兩漁竿石上冰霜一樣寒勲業總歸周尚父

風流只數漢巖灘

文君曲

金徽果遂鳳凰心夜走文君一曲琴為謝故夫休悵恨
茂陵亦有白頭吟

倪甄善

字在簡順治初邑諸生家素貧以筆耕致千
金居恒節衣縮食取予不苟客至命酒論文
肴核秩秩吾友齊子
然四嘗為予稱之

感懷

高皇百戰定神州今日鍾山王氣浮得意魚龍同北向
朝宗江漢自東流誰言黑水藏兵甲正見紅雲覆冕旒
行到秦淮歌舞地王家絲竹謝家樓

南渡七夕

音見屋牙卷五十七
客舍風聲喚早秋，微軀抱病欲披裘。月懸七夕蛾眉畫，
燈照三年蝶夢愁。滿地征夫悲塞草，橫江嫠婦泣孤舟。
倚樓正墮天涯淚，不用癡情妬女牛。

閏六月七夕

屈指天孫當渡河，偏逢月閏又蹉跎。遙憐織錦機中女，
惆悵今宵懶擲梭。

方道乾

字且易，順治末歲貢生，性沉重，端嚴，跬步不苟。隸費宮四十年，未嘗一至公府，以需次學博家居，課子弟著述自娛，間攻岐黃之術，輒有奇效，里人爭迎致之，以爲韓康自再見云。

入潯將訪汪玉倩先此寄之

日暮舟行倦，雲邊樹影移。山纔新識面，人已舊相知。代
已成今古情，如未別離秋。風頻悵望，莫更誤前期。

病足痛楚作詩自遣

自知身是假，難說痛非真。但得全無痛，何須更有身。夢
疑隨化蝶，醒悟寄飛塵。生事浮雲裏，僧來話宿因。

題閒老人

君從何處謫，高寄在人間。目已無千古，心還賸一閒。月
來常捲幔，客去不開關。熟讀南華後，鵬飛蝶滿山。

七十初度

七十誰言老，詩情比舊強。枕無城市夢，魂伴水雲涼。斗
轉星同爛，春深酒倍香。長年惟一醉，何必更稱觴。

絕筆詩寄姚注若

經年未一見，永別是今朝。命薄心原苦，年衰氣亦消。歸

全寧諱死魂去不須招他日如相憶青松我舊標

雜感

冬日既愁短冬夜復愁長願作忘憂草生來是樂鄉

感懷

令甲于今儘右文豈同秦項把書焚自憐老大空需次

首藉盈盤不敢分

左國斌

字子兼崇禎時諸生秀眉修髯風神蘊藉少與予兄弟善至老無間好瀾覽墳索刻意古學簾戶親深書籤錯列雖居市廛中儼若山林世父忠毅貞介兩先生立朝大節子兼每與人言井井有倫要尤能諳曉掌故朝章國是辨若淄澠屢不得志於文職杜門讀史自號茅田通隱間策杖入龍眠登爐峰與諸從館野相望賦詩飲酒致足樂也善飲歌酒半高歌聲出金石咸以為坐無車公不樂所著詩不下千首予手錄而別擇之存什之一二云

夜集蓼洲草堂聽周子佩鼓琴

明河星月皎高天伐鼓堂中列綺筵銅芝金藕吐青烟
庭下松風到酒邊知君怨恨有幾千以手代口琴為傳
令我咄嗟憶他年忠介先生贈嫩先民吏咸思廣漢旋
更有生徒哭鮑宣一床千卷屋相連起看先生筆墨鮮
兩家兄弟病同憐亂後班荆尚有緣拂几焚香急整絃
切切淒淒斷復聯君能贈我蜀錦箋錄古拘幽操一篇
與君嘯咏虎丘巔攀雲掃石飲流泉舉杯翹首望龍眠

贈別李星白之維揚

老氏玄虛術非假熊經鳥伸人爭訝柱下之喬濟濟多
李君星白亦其亞少年射策不見收道書一編手自把

我聞仙掌與蒼龍由來勝蹟紀太華處士雖隱中條山
當時目之爲隨駕如君彷彿近至人呼吸竟無片刻暇
欲爲名山五嶽遊尚平難得完婚嫁滄桑宅泛西復東
爲人賃春傳吳下近偕王子過龍眠黃公祠宇作館舍
高樹森森雙栢垂黃冠羽客同杯斝莫謂山城明月姝
廿四橋邊猶此夜吐詞雄辯皆文章不分嬉笑與怒罵
飄飄又欲御風行何處樓臺過長夏便面七言聊贈君
因君增我蒲葵價

贈胡肅公

世俗祇爭儋石儲那羨連篇與累牘薦紳子弟亦皆然
但得金錢書可鬻君家竟似王參元爲君賀更爲君哭

里門博物稱前賢風流儒雅胡公獨伯玉先生父子雄
分校禮闈羅名宿手貯俸錢廣購書錦字牙籤數萬軸
將身飽作壁魚餐宛在石渠與天祿五十二年罹此災
天奪神物何太速猶幸青箱託有人遺書一一皆能讀
雖然焚燬萬卷樓從茲取諸方寸腹慨自羸政湘東還
典籍徃徃遭百六况復人事經滄桑溪谷爲陵岸爲谷
火宅炎炎環大千惟有清涼水可掬空山積雪照梅花
請徃石門觀飛瀑

吳又仲見過同集胡翁席上

君之先子逝不記是何年垂死耽佳句謀生買薄田青
箱欣有託黃犢尚親牽好聽尊前語知爲宅相賢

弔龍眠

縹帙藏田舍吾盧效墨莊出門交鹿豕遺蹟記蘓黃

龍眠

舊為山谷坡公唱和地

邵子瓜初熟陶家菊正香青氈猶在篋經

歲失胡床

山中曉行

綠樹排岩壑沿流尚不迷閒雲遮面過片月下峰低種

竹雖千畝擔囊只一犁空山愁寂歷露冷數聲鷓

席上聽楊蟄存述光隱侯同事時

天涯雖作伴直與死為隣姓字經年變風塵幾十旬破

鞋追瑣闥補牘達楓宸今夜重回首銜杯哭故人

示夏象九

三楚何年失而翁裹革歸豺狼誰與鬪烏鵲竟無依絕

命辭存稿開箱血滿衣可憐形影隻灑涕向庭闈

人日同子直子周過彌陀菴

獻歲風光好偏逢此日陰幽心在水郭信足向祇林雪

共茶烟舞詩從粉壁吟數聲清磬遠覓食下春禽

泊居鄭城下

纔與鳩茲隔此邦便不如魚從城上釣浪向柳根梳井

邑何妨僻人才尚有餘剖符披舊籍一半在巢盧

不春過江貞烈祠有感

每向西州慟經年不忍過荒園祠尚在舊宅路無多白

石移來供青篁植數柯短牆行徑斷雙影或婆娑

初夏入爐峰

松暗漸成村吾翁手澤存焉知非樂土即此是親恩纔
下春霜淚長依秋樹根飛鳥何處噪枝上有啼魂

會葬侍御公栢嶺宿從芋山齋

前朝禪智寺黃栢到今稱屢負而翁約何期此日登跡
跌三世佛龕火一孤燈落葉真蕭颯相憐有病僧

潘蜀藻攜近體三十章惠教詩中備採古今弭盜

事實輯而成篇

宣室誰呼草莽臣能將柔翰殄黃巾僻驚工部人耽句
衰起昌黎言去陳唱和不須羞我寡輜軒堪使共君巡

錦囊慣把奚奴佩反吐詩腸慰老親

母夫人工詩文
松聲閣集無示

過衆若兄山莊

蛛網常封戶牖塵羣遊麋鹿聚松筠室中偕隱裴公美
谷口躬耕鄭子真君已黃冠歸故里我猶皂帽見鄉人
剡溪雨雪還乘興野店山橋莫厭頻

與夏子弟感賦

瑣尾流離十載同共君憶咎避江東草堂即在鍾山下
藜榻相連古寺中回首長林還逐鹿此身小技只雕虫
狂夫但有窮愁骨詩到窮愁總不工

媚筆山房落成子直子厚與子永共事其中予時

載酒過從賦贈

潺潺流水舊垂綸近日茅齋結構新一畝宮堪堆萬卷

兩間屋恰受三人長林薄影閒栽竹積雪增寒自析薪
纔罷書聲喧笑語梅花且共向簷巡

冬日同子直子周松鶴菴謁世父忠毅公墓二首

吾祖遺封未忍聞憂心如擣復如焚一抔幾日乾黃土
諸父同時泣白雲此處杉松巢野鶴也虞雨雪透孤墳
名山果卽斯丘在狐突狐毛不忍分

班馬曾聞山下鳴監軍使者史先生布袍徒步披荒草
野老清猿聽哭聲西蜀坡公悲永叔南州孺子拜黃瓊

如今一夜三年話師弟居然副盛名史公道隣曾一宿
拜墓自云以一夜

哭奠當
三年也

過嶺筆山房悼子永弟

築場九月萬山中大被相攜每歲同何事鴿原分影太
遂令馬策叩門空書連破屋聲如在石咽寒泉聽不窮
爲語園丁珍手植猶留秋色到梧桐

亾友光輯侯有女于歸同周恕行過漢白

故人門掩徑蕭條望斷雲鄉不可招天意無兒存伯道
室中有女哭殷遙九秋此夕三星在六角因風兩袖飄
莫向山陽聽弄笛鳳凰臺畔正吹簫

贈別東旭舅氏

揮涕中宵說廢興自言辛苦老來增旣逢歲儉何堪久
縱屬年豐也不登病尚談經傳弟子暇還策杖訪山僧
柴車過市誰相送玉佩瓊瑰我未曾

坐開遠齋中博戲預訂醵錢過酒家

白下柳花香滿店吳姬壓酒謫仙歌
古人遺咏傳千載我輩風流定一過
市脯不精猶可食酒徒有伴豈嫌多
家無儋石如劉毅日日輸君奈若何

晚泊

乍霽江天倒影青每逢殘臘路曾經
湖從驢背衝泥過舟在蛟臺隔岸停
潮水欲乘無夜信布帆遙指似晨星
相傳豫楚連烽火風送笳聲不忍聽

集蜀藻石經齋夜雨

名園勝事與年加韋氏藏書陸羽茶
風到竹齋常似雨香生蘭室不須花
近詩果是唐長慶末俗難爲晉永嘉

君亦出門交有道往來寧厭過予家

兒魯隨家君及予入下霧冲種樹魯
初謁亾妻墓荷鋪春遊歲幾回爲乘好
雨及時栽十年樹木何難計四面山花
無數開得妾漸看生子大老親今始抱
孫來因呼披草孤墳處記取梅邊是拜
臺

從遊

當年持節古杭州石鏡菴溪攬轡收
猶有豸威霜在面未曾鶴髮雪盈頭
高眠南郭何須問穩坐東山自乞休
緩步攀躋能曲折呼予指似大龍湫

挽江開遠

九月涼秋雁幾羣爾家鴛侶忽然分功名轉悔教夫婿
節義偏聞在細君十日水漿無一口千年松柏有孤墳
白楊倘共豐碑立安見黃麻勝此文

贈夏廣翁移居

郭外層樓倚樹紅當年坐客不常空家雖亂後書仍富
詩到愁時句益工我欲城南依杜曲人誰廡下敬梁鴻
強移棲息安枝好小築依然三徑同

吳民在自魯棋移家入城

東郭誰存亂後廬棲鳥不定正躊躇廿年奚啻三遷舍
一篋惟餘數卷書雖在青山嫌市遠祇教白髮喜城居
吾家祠席常隣近免使高堂日倚門

雪霽同馬襄白梁子武遊披雪洞

山近城邊到幾回借君此度值冬來果然消雪紛垂練
幸不層冰厚結苔險徑常留豺虎跡寒花驚見杜鵑開
無窮吟興將鬚撚安用諸公擊箸催

贈蘓良生

到卽班荆話昔時五茸城畔有棲枝將軍西第傳刁斗
公子南橋拔酒旗誰聽鶴聲仍淚落難教鱸膾有鄉思
梁園雪與隋堤柳只在君家笛裏吹

良生善笛泛宅
梁園廣陵間

夏象九以秋水摘橙二詩索和

清渠襟帶也堪誇得似瀟湘泛客槎每欲臨流分北郭
亦能高咏及南華鳧鷖何處乘潮舫鵝鴨常看浴浪花

猶憶五湖三畝宅烟波無際是吾家
舊築園亭鳥並棲繁陰嘉木與橙齊纍纍俱是盤中玩
顆顆難於袖裏攜四月風花飄院落一天星斗傍簷低
不知底事經年別酬唱因君反借題

阻風步十字岡

漠漠湖天任所之浪花如雪權難移暫登高岍紆安步
愁其他鄉說亂離牧豎騎牛嫌馬過邨翁徙爨倚灘炊
尚從網架尋魚買正是歸來彈鋏時

同戴韓五小飲眠樵旣滋堂賦得梅花落處疑殘
雪蓋爲庭梅紀實也

閒門雖市不聞譁向夕尋君值雨斜爲訝庭空猶有雪

却看枝上已無花西堂池草非徒夢相宅北隣是外家
因對落梅吟杜句茶鐺熟後酒頻賒

九日前一日同孫子毅家碩人霜鶴尋菊遇雨歸

飲酒肆

君隔江邨九月天白少翠竹在城邊雖然入市非無事
若爲看花便有緣野店雅從隣圃並舊京俗借酒傭傳
來朝風雨仍難卜壚畔何辭一醉眠

同諸兄弟校讐忠毅貞介兩世父集

遺編重把淚縱橫臣罪何曾答聖明已見逆闖搖北極
又看奸相誤南京官同蘭署才難得集是崇華價不輕
籍甚吾宗孫子輩幾人能復起家聲

午日侍家君坐定公房

竹檻幽花遶徑生老親相對眼猶明
鑄中焙藥方乘午原上耕田不欲晴
睡寄僧窓隨處穩盞留家醞晚來傾
清厨洗鉢鐘聲起緩步河橋曳杖行

熊仲超雨中過王白良宅代其尊人奉明爲家爾

玉言聘

君宅久依黃荻坂如何仍復徙湖濱
詩書聲足酬同學媒妁言能代老親
此日微雲欣雨澤昨宵明月照冰人
爲因吾從通家意相對柴門卜德隣

喜文玉入城將爲爾玉完室

嗣宗惟爾最含情三載何曾爾到城
却喜近年多子息

夏聞村塾慕師名俸錢留得將孀母
婚嫁能無累阿兄欲乞朱魚兼種竹
湖邊耕讀過餘生

宛玉葺封大夫舊業爲其弟宗玉完室詩以贈之
知君陟岵轉生愁爲指椿庭已數秋
那見男婚與女嫁依然弟唱復兄酬
珠從賣後牽蘿薜盤向房中薦石榴
一任霜風吹不盡介眉早上畫眉樓

信宿礪觚齋留別退齋從子

雙松吾自愛吾廬那得高丘傍
舍居嘉客每過處士宅清齋強半道人書
經句草榻情難別殘臘梅花歲漸除
蝦菜充餐兼作贖夏煩君僕策君驢
五旬初度有感是日夏子新逝成服

與弟比隣祗隔墻中庭荆樹永相望嗟君死去方成禮
逢我生辰適舉觴講易自能通晝夜達人原是等彭殤
何由此夕飛鴻過也向天空泣斷行

偶客雙溪爲進之從孫賦催妝詩

汀前蘆葦足徜徉爾尚隨翁滯此方多得江魚能饌客
始知騎鳳有仙郎還家月照千年珮拂袖風生五夜香
臘近梅舒休悵望是花皆可助新粧

戊申夏五爲蜀藻初度

論交豈逐世人情閱盡升沉幾變更對我能無思令弟
似君真可事爲兄潘楊婚媾誇當日金谷園林稱舊名
却訝卅年天下士如何仍作魯諸生

贈夏象九移居

求忠於孝先朝命詒厥孫謀卜世長故里尚傳安陸宰

尊大父魏科曾記孝廉郎柳株手種猶陶令帶草書成

令安陸比鄭鄉諸父俱稱天下士若翁是我丈人行西園公子

開文苑東壁圖書構墨莊幸遇聖明隆薦辟果因方正

舉賢良哦松自許藍田尉蔽芾何殊召伯棠豈意赤眉

分闕獻遂令碧血灑蘄黃郡雖廿四無河北客有三千

失孟嘗裘去馬屍空飲泣飛來烏鵲強回翔欲聞楚塞

鏡歌曲且駐秦淮錦瑟傍君在甯門爲相宅贅於郗氏

不窺廂梁鴻仍寄臯通廡幕燕還巢王謝堂判薦母能

喧櫪馬彈碁叔與賭羅囊驚心岸谷居纔卜回首親朋

好莫忘五色江淹今已盡江開遠二毛潘岳久云潘子厚
惟予德宇常隣近對爾高山得仰望花徑掃除頻問字
相吟一闕滿庭芳

重五後二日祝眠樵初度

四紀神宗垂拱日吾家世父正垂紳立從柱下觀周史
生比崧高降嶽神不幸魏闔爲社鼠更於熹廟獨批鱗
黃門校尉車相續白馬清流禍及身偏遇衆人酬國士
欲教孝子作忠臣痛心旅櫬過三伏屈指年庚僅十春
孤稚何曾藏趙氏重綸安得布堯仁烈皇御極當丁卯
公子鳴冤在戊辰祠像高懸先少保版輿猶御太夫人
手因廬墓常攀栢額以堂名取卧薪荆樹却緣吹自合

桐川無那震於隣長驅楚塞遂亾楚偕寓秦淮且避秦
兵氣翻疑纏大角帝畿竊訝出鈞陳春秋尚紀河陽狩
轍迹非關耕斂巡但見諸藩爭下席又聞天子太蒙塵
君經此際年方壯想到浮生懶是真華表莫歸丁令雀
龍眠終羨李公麟西山頗合東山志北阮還憐南阮貧
犢鼻挂竿勝錦繡貂裘採藥握絲緡願言兄事兼師事
倏忽三旬俱四旬對我雖稱一日長共君已屬七朝民
芝蘭玉樹閒庭滿園柳池塘好夢頻酒泛菖蒲逢令節
盤分桃棗樂嘉賓風前新度吳儂曲鏡裏奚貽越女顰
爲報惠連應有句二毛豈卽白如銀

壽夏廣生先生七十

城西在昔卜郊原公子清平學灌園百尺高樓堆汗簡
千秋泐物貯犧尊石田沈氏圖堪玩松雪吳興畫尚存
每向慈雲西郊菴名持淨律多緣明月倒芳罇匡塘唼藻觀
魚戲溪樹攀枝聽雀喧池草鳴禽因夢就芙蓉繡褥藉
床溫家傳浣滌忠移孝義比浦江弟與舅叔季敲枰真
善奕伯兄握管只吹埴卅年行樂原鴿散三徑荒蕪賊
騎屯愁適兩京夏北極歸來五柳傍南村伯通廡下方
齊案蒙叟堂中遽鼓盆老至何須傷令子眼前猶得弄
諸孫心同臯羽爰名集先生集名詩傲淵明自祭言姚休翁七
十傲淵明自祭詩百韻先生亦有五言自祭詩雅調往時彈正始新編近體步
開元方袍楚楚空留篋華髮蕭蕭已似髡詞賦亦能怡

白首官銜不肯借黃門姚都諫龍懷為先生之倩野人却贈筠籠滿

古道惟偕鬢嶺敦李鬢嶺為先生至友長夏方交星正見遷鶯圓

轉曲初翻時值立夏琅玕芝草俱如此且共先生醉竹根

同方二吉偶月夜訪秦淮女郎

桃葉桃花帶雨濃青樓堪穩繡芙蓉手持紈扇新詩出
仙手書中識李邕

代鶴吟二首

爾止有妾名鶴胎意欲遣之為作送鶴詩同人
皆有代鶴吟

蕭然書劍獨乘槎每約瓜期不及瓜自是萍踪何處著
非關蘭夢總無芽

愁來久欲棄人間忍死含悲亦厚顏只當錢塘林處士
容留野鶴在孤山

倪士棠

字南蔭一字韡生順治初遊郡學數為文衡所鑒拔試輒高等居恒尚氣誼不侵為然諾

所居斐几清妍琴書整雅屐履之間皆得其任與人交好樹頰頰相抵拄意所不可輒氣凌之已而相折又相好也遇豎子俗儒一言弗合便拂衣去甚且訶辱及之久列諸生將對大廷一夕暴疾客死于舒城葉汝錫之家塾可哀也已南蔭自命經濟才吾黨戲以管葛呼之居然不讓捧腹笑曰公等異日知即真管葛耳奚戲為自刊鹿蹊小言問世頗為承學所推詩歌則謙讓未遑也嘗下問于予予為引繩切墨糾其蹇駁歸于大雅今所存者皆可諷誦

孝烈歌為韓在商母劉孺人賦

皖城不少舊名閨遡高先生挺名節

先生為在商大王父家訓以節義為

先傳家一再遭陽九婦能貞孝女能烈憶昔乙酉改元

初上游逆帥逞餘孽四月八日克皖城韓生被執陷虎
穴回頭語母善自存母指雙樞情凄切賊騎如雲抱火
來繞樞號哭鳴復咽賊亦投炬憐其誠復有黠賊疑其
譎舉斧破樞手格之十指斷裂濺碧血弱女十三歲來
前願保雙樞無杌隍含悲尾女出門庭數目清池示永
訣卓哉此女亦性成奮臂投淵清且冽但教枯骨獲安
全忍拚蘭玉遭摧折痛哭池邊送女魂聲聲詈賊常山
舌先靈無恙女無汗母始從容自引決嗟我六皖罹兵
氛節烈何限名湮滅未有宛轉名義間一時孝烈稱雙
絕韓生韓生豈長貧早將貞珉樹碑碣孝婦傳成附烈
女天柱比高江比潔

喜祝山如樸巢集成

吾鄉詩人何纍纍鳳躍龍翔不一體近日風流宗樂天
往時沉鬱追子美作者如林不相下皆於樸巢屈一指
樸巢工詩三十年其詩伐毛復洗髓有時樸老任天真
有時勃率精立理嶽嶽如登萬仞峯浩浩疑傾三峽水
香山浣花不足多擲地金石滿人耳大珠小珠赤玉盤
三都賦貴洛陽紙余也才拙不能詩但見君詩竊心喜
沿波追風古所稀那能不愧遼東豕從今余亦學爲詩
北面爲君執鞭弭

讀周信臣張敦復秋懷同韻詩

周子侗儻士讀書在龍眠紅葉霜千樹白雲水一川有

堂名水竹茅簷僅數椽怡情山水間風雅足流連更有
城西人幽棲仲蔚徑小亭名遠峰烟雲相掩映筆墨寄
徜徉遠近載酒問秋深天氣清周子歸省親溫清有餘
暇便過遠峰亭戶外垂聲細階前落葉深張子雖近市
雅志在山林况當黃花候公麟蹟可尋策杖過水竹連
床卧經旬清歌答山響濁醪助苦吟兩君骨格俗情少
落筆錦奪天孫巧分題韻限幾千言推敲却羨篇篇好
古來秋興推少陵寥寥八首鮮嗣音更有多情惟宋玉
悲秋一賦誰能續兩君同韻有秋懷秋懷磊落秋聲諧
我坐鹿蹊閒展讀秋風秋月到茅齋

訪周信臣水竹山房

小酌坐溪傍清尊對欲狂當門明月上隔苑野花香少
事詩情細無愁鶴夢長竹床宜晚睡分得片雲涼

山居

始信山居好山靈不妬愚石溪潛蟹甲花露飽蜂鬚計
拙難營窟時危只守株高吟聊破寂得句便狂呼

催科

山深生事微掩戶學忘機苔以麋遊破身因蕨食肥室
空清夢穩蒿滿故人稀獨有催科吏騎驢叩板扉

過古雲禪室

霜急寒方至朝陽衲自縫樵歸扉未啟日午飯纔春問
客桑麻話烹茶笋蕨供莫嫌茲地冷荒沼綻芙蓉

山莊得仲兄舉子信

山深常晏起曉日已東升啟戶僮先至開緘喜不勝鄧
攸今有子天道豈無憑轉眼吾儕老承家讓後興

何處難忘酒

何處難忘酒篝燈展卷吟獨開論世眼如見古人心漏
永更聲細爐燧夜氣侵此時無一盞寥落負知音

倦遊

頻年生事已全疎琴劍蕭條汗漫餘獻策曾無將母計
傳經翻未教兒書蒿延野徑堪羅雀戶對清溪且釣魚
短翮倦飛思息影乾坤何處是吾廬

偶過南隣留飲

亂峯深處老王孫環堵無非鹿豕痕偶爾攜筇看種竹
忻然啟戶命開尊野蔬佐酒香生筍山色供詩翠到門
我亦疎慵荒客徑肯來風雨共晨昏

次韻酬潘蜀藻濟幕寄懷之作

梅花開徹歲寒心春色新添滿院陰蓮幕有懷貽警句
草堂無計共高吟休嗟生事因遊廢難遣離愁與日深
濟水盈盈牽遠思好憑清夢一追尋

寄東莞王子實學博

倦遊曾憩嶺南雲邂逅論交賴有君絃管翩然同馬帳
梅花清絕似雄文天邊紫氣經春見江左青籀自昔聞
別後相思定何限珊瑚洲上月紛紛

懷任公鼎粵東

憶管孤征粵海濱窮途昕夕賴參軍花田香暖迎遊屐
銅柱功高待勒文授簡自慚梁苑雪還家空伴鹿蹊雲
昨來皖口青青柳不盡攀條爲憶君

寄懷潘蜀藻卽用寄勺園原韻

去年別我時方夏此日思君春正融雨霽流鶯啼曉樹
月明歸雁起斜風好山有主添新黛芳草無鄰怨落紅
爲過勺園詢近况客懷如見寄吟中

飲鄰家

盤盤曲磴繞烟霞千挺琅玕滿苑花客到衡門乾鵲噪
坐移深樹夕陽斜農歌偶唱如相勸清甕頻呼不用賒

音身居牙卷五十七
主自醒然吾自醉肩扶鄰叟亦歸家

寄周汝爲京邸

滿眼風塵不乏人那堪君亦老風塵萬言慷慨尊前淚
千里馳驅放後身聞道天門曾抗疏可能澤畔免垂綸
故人裹首如相問爲說覩生仍苦貧

送從兄右臣之東交兼懷潘蜀藻

比歲長征興欲闌蕭蕭行李一身單官齋有酒歌猶壯
客路無車鋏漫彈五月披裘生計拙千門持鉢乞人難
潘安幸在蓮花幕風雨連床旅思寬

寄可印禪友宛陵

廿載蓁蕪滿故園亂餘耆舊幾人存錫飛勝地聲容杳

鶴返家山草樹昏茗粥可思鄉土樂風塵常憶別時言
敬亭秋色無今古衆鳥孤雲細討論

送吳惟子入山二首

累世安居在市廛因子始結買山緣誅茅補屋聊容膝
移竹當軒僅及肩貸粟應須釀歲酒無田幸免急官錢
從今好遂疎慵性倚杖閒吟落日前
憶予往歲住山初數畝荆榛井竈無野性已成十載僻
幽懷始得兩人俱空庭月上眠應晚寒澗梅開隱不孤
若過蓬門煩寄語柴車遲返爲饑驅

讀潘母松聲閣集

蒼枝晚節本天成歷盡冰霜幾度更閣上寒濤增綺思

堦前瑤草助詩情，絳紗雖隔曾聞禮。黃鵠頻歌不爲名，展讀數回風雨集。如聞謾謾勁松聲。

次答周信臣月夜見懷韻

風塵牢落羨君閒，半畝城隅善閉關。繞屋寒花搖素影，一窻新月對清顏。懷人祇合多藏酒，避世何須更買山。却笑涓陽無好况，青衫蕭瑟鬢毛斑。

練潭夜泊

一葉扁舟傍晚停，湖光如練月澄澄。風輕犬吠邨前樹，沙靜魚驚水上罾。

九日友人招登高不赴

籬畔孤吟首自搔，勞君結伴往登高。衰殘嬾向深林坐，

敗葉蕭蕭似鬢毛

吳道坦

字次履別號易齋崇禎初諸生總角時卽善承親懽有若性成秦賊犯吾桐乘堙窺城王母程年已九十公奉之避兵城中每飯必營其脆自食糠粒而已居貧力學鬱鬱輩行二十年鼎革後遂優遊觴咏卜居雙溪築室三楹于水上環以竹顏曰水村竹屋奉瞿曇其中朝夕梵誦顧獨喜秣陵風景暇輒放舟而下雨花桃葉間展齒始遍當其典到詩成便畱題而太所著有水村集

春日湖上

數畝湖邊地躬耕，慰老年引流通藥圃補埂衛畬田。脫粟堪供飯烹蔬，不用錢食貧吾所慣。底事受人憐。

河房月下看菊

花月秦淮好看來，引興長月因秋轉。潔花到夜添香疎，影落明水虛光照。小堂幽尋知不厭，坐待曉天霜。

雨花館贈友人

相對俱爲客，銜杯緒萬端。霜飄秋葉老，月上酒樓寒。出語談心易，依人得路難。風波須鄭重，吾忝隱漁竿。

兒御試還夜至

一片歸帆速，維舟更已闌。汀花秋色老，岸葉夜聲寒。計口離家久，關心問渡難。棘闈文事畢，竹屋且承歡。

不二師過訪示以山居十詩

忽來方外友，剝啄喜相聞。坐待溪頭月，香飄几上雲。竹窻雙影瘦，茶話一燈分。快讀山居咏，知君慧遠群。

偕山足訪不二不值畱訂再晤

結侶叩柴扉，雲濶師未歸。函經虛法座，挂榻冷禪衣。舌

有豐干在，爐無拾得圍。老夫思入社，笑引莫相違。

九日雨

寂寞重陽節，緘關臥水涯。淡烟籠碧樹，細雨濕黃花。筇杖迷山路，茱萸隔酒家。壁間圖五嶽，一室海天遐。

楚客訪所思於虎林詩以送之

恨殺錢塘水，難通湘漢流。蘼蕪生路口，楊柳拂樓頭。不憚山川阻，惟思花月遊。得他蘓小在，一笑解輕裘。

哭四弟岸先

到門人寂寂，涕泗曷能勝。花竟埋三徑，帷纔剩一燈。葉亾哀子敬，被冷泣姜肱。遺篋光芒在，雲霄透幾層。

寄懷友人山居

半山松柏接庭除背郭幽棲處土廬風戶敲聲三徑竹
月窻分影一床書河邊日落聞歸馬橋下煙橫看釣魚
記得昔年畱飲地近來清景更何如

金陵感懷二首

客裡金陵一櫂過眼前猶識舊山河宮鶯啼過江頭樹
城角吹殘塞上歌二水不牽遊子夢 秋常見獵群多
可憐鍾阜松何在惟有斜陽照綠莎

秦淮佳麗古稱饒何事如今異六朝籠柳樓頭春寂寂
看花陌上草蕭蕭画船倚月停銀燭繡幙沉雲冷玉簫
人跡幾來桃葉渡曉風零露濕長橋

畱別王介翁蔡梅先還里

石頭城下水迢迢送我橋邊折柳條驪唱莫畱歸夢任
雁聲已引忝心遙蒹葭白露催征艇風雨寒江聽夜潮
別後相思肯相訪期君草閣一燈挑

石潮大師西江致書期過訪賦答兼訊

昔年冬暮雪花初信宿高談水竹居一自遄飛雲外錫
至今始接雁來書寒泉浴鉢盛香飯活火烹茶啜野蔬
何日得諧江上約遠公瓢笠下匡廬

奉和伯兄函雲感懷

瓊瓢瓦缶亦陶然薄醉無煩問聖賢喜集賓朋常滿座
嬾翻書札動經年岫雲不斷遮茅屋溪水常流浸稻田
物理循環何定數杖藜且作地行仙

秋柳

煙霏雨裏影飄搖幾樹風流嘆早凋
驄馬門前嘶墜葉黃鸝堤上織空條
吳姬妝懶休描黛越女歌殘倦舞腰
最是送行尤黯淡一絲絲挂冷河橋

吳顯之

字隱若父越儁死于冠年纔舞象備嘗艱苦躬耕釣以養母絃誦不輟順治初入泮庚子餓于庠貧不能購書從人家借讀口誦手鈔貫串經史以暨諸子百家無不單精研思窮極微渺其手評手錄諸書及所撰著皆存盧江講塾中病劇歸里遂卒無子故遺稿不復可及從弟久可曾受業其門按梅嶼中唱酬十首首屬為選次師恩友義皆不負矣

訪倪樾公孫雨田秦淮河亭各出詩卷見示

年少書生江上遊秋雲夜雨唱還酬
非緣俠氣傾三輔定許詩名動五侯
風細桓伊邀笛步月明孫楚引杯樓

同將桃葉為題句寫盡騷人客裏愁

九日滯雨久可弟招孫易公叔晉之弟舉之在之

同飲再興園

不因舍弟尋高處風雨翻教幽興窮
臺榭蕭條殘樹裡寢園明滅斷煙中
莫辭綠蟻招佳客且看黃花綻晚叢
恰集吾家諸少長遣愁肯放酒杯空

久可弟遊泮志喜

鳳毛光發五花明學海波瀾近老成
晉室才名推小謝漢家新詔重諸生
頓綿定國千年澤大父廷尉公竟得陳思
八斗名嘉喜堂開頻酌酒杏花淡處對延英

龍眠風雅卷五十八

龍眠風雅卷五十八目錄

木厓潘 江蜀藻輯

錫山陳大成集生

同里王 玘其人 叅

齊繩祖 一百四首

龍眠風雅卷五十八目錄

龍眠風雅卷五十八

木厓潘江蜀藻輯

齊繩祖

字念修紹興守群玉公之孫文學理侯公之

經史事節母倪夫人惟謹弱冠補弟子員順治庚

寅學使者李茲佩先生校士院上引繩切墨不少

假貫念修以冠軍餼于庠自是文譽蜚起性敏慧

絕倫寓日不忘嘗與予同讀制義每掣一篇念修

讀一二過可覆誦予必三讀然後誦或高歌度曲

人交坦白無嫌味每酒半詠諧間作或酒博進之

移日分夜聽者靡靡忘倦乃至航章之酒博進之

錢不肯欺人荷免少許其天性然也然疎略不合

時宜因自署疎軒人寶惜詩多不起草成輒逸去客死

兼尺素皆為賢重跡走臯城得遺稿于門徒家予

之明年其孤賢重跡走臯城得遺稿于門徒家予

為屬兒子仁樹手錄成帙今編校及此併錄詩之

兒亦與三十年之老友同歸泉壤矣為法然者久之

雨

一夏霪雨繁歸途苦炎暑秋霽策蹇來疾雨妬行李衝
泥跋涉艱五日二百里檢校擬晴窓彌月雨不止棟牖
積霽苔凡戶封泥滓剥啄不復聞著屐走屋裏人言登
俾望茫茫接天水輟講擁傲瓊飽食坐相視病骨慮寒
侵醺餘時隱几薪真與桂同烝然涉波豕將無歲屢豐
災祲從茲始豈惟禾黍空墻垣盡傾圯吾鄉當亦然吾
廬近何似

歸途作二首

去日柳無絲來時田種稻底事三月間僕僕臯桐道歸
省實所歡婦病銜悲悼家書得數紙連以凶危報不寐
心如焚雙眸頓昏耗吾生百憂集遭家原不造倘今復

斷絃伶仃苦誰告

一春風雨溼曾未看花鳥今方聞杜鵑數聲出樹杪景
物夏方濃殊堪供遊眺所恨驅泥中雨勢來且慄一陣
復一陣側避路紆遶客衣盡沾濡客心逾悄悄

病中歎

余性素懶浴亦不常跣足今夏苦炎蒸放意無檢束露
坐航夜涼群聚論心曲一旦病纏身寒熱交相毒羸骨
苦莫支呻吟在床褥豈惟骨肉遠隨侍無僮僕我生逢
百罹死亦無嫌促但訝偶失調虛鬼如斯酷吾親老且
病他鄉期負粟詎知命蹇人垂絕幾莫續幸賴主人賢
藥餌適所欲使我旅如家此情一何篤

聞蜀藻將入秦中賦此寄憶

在家苦匆遽希得上君堂及到羈旅中思君不能忘家
季昨書來云將治遠裝孤客正懷舊聞此心益傷君才
本騏驥久宜快騰驤乃今悲偃蹇負粟走雍涼雍涼名
勝地竒情恣翱翔得金應滿篋得句應滿囊顧君好開
居能勿憚途長懸知言邁日專待捧霞觴與君近著詩
冬歸期互商豈意同心人倏爾天一方石經齋頭菊紛
披爲誰芳轉計入秋來兵燹震江鄉撫時宜念亂須臾
變滄桑行否或未定躑躅遙相望

留別汪子泓

我家桐陂南第宅先朝遺少孤讀父書家聲惜中墜遭

亂走四方鼎革還舊地饑驅事筆耕且捐家室累客臯
幾六年各賢快同顛懷君獨怒如空谷遙難致近僦陳
生居我亦一枝寄邂逅訝非常御李心方遂嗣于王子
齋閒話數相值雅度滌塵襟清光耐久視弱冠噪名塲
便便富腹笥鴻文振時靡六經資鼓吹孤吟鶴唳臯書
法生百媚形穢我自慚深感無遐棄况復下問殷過亭
晰疑義在座輒生風拚飲期君醉舉席已陶然獨醒群
稱異維夏忽徂暑日月迅如駛鄉伴迭催歸倦飛借奮
翅非不戀梓桑顧君難撇置君亦屢訊歸殷勤饒古誼
月望始分袂先期自揮淚敞帷經手披念之不成寐贈
言曾四章不盡如縷意茲行月餘別數語希心誌著書

可自娛傳經良不易老我研田中辛苦嘗之備憐君不
勝衣何堪此勞勤朝夕往來頻炎暑宜稍避善教貴無
言損心是多記露坐防夜深節飲期安睡葆此特達姿
以就三台位重來不待秋未忍煩縈思裁和倘惠然便
荷彼妹畀我歸靜掩扉几席珍奇字展玩復沉吟聊爾
當把臂挈裝匆遽間韻言殊失次詩中未悉情緘書覓
邠使

贈張與京與瞻

山川蘊良璞雲霞起輝光上有碧梧桐下有雙鳳凰公
子美無度遊遊翰墨場蛟臺與鳩水南北遙相望茲來
有杜子携我上君堂醇醪令人醉名園萃群芳怪石歌

頽樹衰柳罩池塘昔賢歸隱地懷舊增悼傷美君二難
並尺木恣翱翔對酒發長咏鈞天奏徵商丈夫雖不辰
家聲終欲揚萬物各有適而我空翫髒得君慰窮途衰
颯變激昂征邁在茲日風雨勿遺忘

古鼎歌

有鼎流傳在越嶠吾祖攜歸三十年其下如孟上如缶
細紋參差色斑然不知何代並何器華貴略似青瑤鐫
昔爲宗廟盛黍稷今珍席上篆爐烟吾祖性情嗜古玩
當年持贈想名賢鼎兮鼎兮洵重器汝應歸余亦有緣
兵燹之中幾淪沒寄在舅家得以全供佛莊嚴勝珠玉
宴客古光照几筵以示時人皆不識靜對長令俗慮捐

豈似金銀防盜賊多藏徒復苦糾纏

悲吾生

三十以前頗善餐體瘦精神却健安一刻讀文能十首
竟日圍棋可百盤去此於今無幾歲久談久坐輒思睡
展卷殊難一再觀觴政未終先起避我生無奈百憂摧
未老先看老態催即使一朝身富貴眼昏髮白良可哀
爭如少年得意子及時行樂興悠哉

蜀藻有兩烈婦詩余因並紀之

天壤之間有正氣往往偏鍾閨閣際前有夏氏後有潘
兩人趨死何堅銳江郎客死少無兒人疑夏難柏舟誓
豈期號痛頓如在毀容絕食經旬斃項生遭事死于燕

其家没人俱不貫新法大概及妻孥人人忍辱延斯世

潘欲速死與夏同苦爲母氏之所制私念大義矢靡他

聞將解行遂自縊慷慨從容侍婢欽婢名采蓮相從殉節無

留滯人言潘素妬夏素慧余惟取大略其細總之不謂

人盡夫生則同室死同瘞使兩人者爲男子兮爲人臣

其不負君父一如其不負夫婿

貧交行懷吳燕公真州

天下多富人我與君何婁天下多婁人我與君何苦憐
君泛宅老江濱幸免呼租自在貧我患室人交遍謫引
雛聊慰白頭親當年六子盟荆縞左子福薄修文早吳
子趙子俱素封方子近亦家道好惟我與君長如斯南

前明屈雅卷五十八
北饑驅傷別離君不見斯世交情易陵谷一朝富貴棄
如遺不如貧賤長相思

做廬歎

文中子做廬足以蔽風雨我守先人之數椽避亂歸來
日傾圮棟折榱崩難久存客行如過魯東門隣人見我
屋破無專管公然縱畜觸我藩我視世人家業富厥考
作室子堂構亦有其先無立錐手創竹苞與松茂此屋
百有五十年先朝第宅皆宛然况于儉德僅旋馬修葺
無過數萬錢吁嗟乎金銀之氣不滿室世世同居竟何
益反不如孤棲茅屋兩三間無煩仰屋增憂恤

徒步行爲倪右臣舅氏賦

驅馬出東門行行十里許有客前來扇遮面倉卒不遑
相顧語舅氏認我旋相呼問我婦病曾痊無我揖舅氏
答且訊冒暑徒步胡爲乎五馬驂驢死在昔三世聯翩
光仕籍柱史京師盡避驄經筵天子嘗前席舅氏輕肥
分固然如我饑驅合受憐誰知廉吏之孫子被褐唯將
清白傳卽今萬事多變更朝而軒冕暮徒行舅氏食貧
偶然耳筮仕佇膺冠蓋榮餘榮猶及審家甥

陳子垣下榻石門詩以懷之

石門春水漲瀑布亦奇觀偶到片時返輸君儘日看紫
芝朝飯飽貝葉夜鐘寒擬就秋籬菊遲余共館餐

弼士緘關石經齋詩以懷之兼索飲

久有芳樽約寒宵覺更宜何當一謀婦相對藉論詩閨
月占梅早同雲與雪期欲扶僵臥出策杖直披帷

家惟木投經宣大司李方還青署中寄懷

幾載同居好移家傍水灣貧難辭教授老更歷邊關客

久囊應富官清署亦閒美人兼駿馬何日共君還還青許為

買妾

杜蒼略客澗上見懷賦寄

弱摻為徐氏歌童蒼略與之狎因作傳

官貧兼客久無過浣花翁公子耽高尚懷余見古風贈

金揮易盡浪跡賦逾工近讀弱摻傳鍾情何更濃

喜秩斯弟自中州來蓼因同歸省二一首

書從初夏達袂自早春分命駕方呼僕擔簦忽到君話

同傾醴酒篋定富奇文勿復愆歸候晴空逐雁群

生計由來拙經年旅食同汝猶供嘯傲余獨苦樊籠禹

跡渡河訊臯城取道通親心最欣慰雙拜北堂中

期願兒

自倚性能敏朝眠到學遲只期粗識字何意解吟詩稚
不憂親病頑因恃祖慈暮歸一揖後叫怒亂啼饑

初度二首

三旬俄有六四度客臯城負粟長懷土茹茶送此生性

迂乖世好老近澹時名繞膝閒吾弟勝予做舌耕

持家推健婦一病未全瘳漸近西成候聊紆內顧憂遇

辰增寤歎避俗選清幽何以當群彥稱觥迭勸酬

懷張如三兼悼今兄子亮

書室依城靜池魚入網肥還家無暇日未得數披幃生
事余偏拙同遊願總違因懷夜臺客宿艸益沾衣

門人多移家避亂夜坐偶成

避秦爭覓地堅臥似輕生遶屋烏誰止傷弓鳥易驚書
幃常課寂蕉雨一燈明雖與嚴城近還無夜柝聲

懷何武伯

城曲市喧遠緘關自著書比因遊屐久深悵酒杯疎果
腹差能慰顰眉不肯舒樓頭雙樹好何忍與人居

孝禾生子

君身諸福聚只是望縣弧憶昨謀人種而今獲鳳雛浴

盤當亂定摩頂識形殊他日逢衰叟知爲父執無

吳弼士下馬孔璋榻詩以懷之

吳子傳經處齊生舊下帷十年真轉盼兩美最關思
啣計同拙疎狂性不宜生男許招飲謀婦更何時

過秩斯弟館

旣已捐桑梓還於僻靜宜荷香飄入座蕉綠滿浮巵逸
興恒題壁諸生解誦詩應須謝投轄歸省未容遲

蚤發

向北風偏勁爭程未曉驅星光辨岐路霜氣透重襦
躡起煩行侶宵餐就僕夫飛鴻歷辛苦能飽稻梁無

真州船發

客途愁值雨一雨幸能晴策蹇防泥滑乘舟觸霧行僕
饑餐近岸絳滯緩朝程聞說兵船下移家處處驚

不寐

寐眠徵老態心緒况紛繁荏苒隣殘歲淹留負久晴菜
羹常食減棘路旅魂驚高枕輸童僕鼾鼾徹夜聲

沐陽

淮郡多名屬凋殘是沐陽徙衙因賊毀攢里爲田荒物
貨爭朝集逋徵罄邑庠主人猶款客爲我盛供張

瓶梅

客况渾無賴尋花當勝遊偶從隣圃折漫插小瓶幽久
對香逾逼徐開影漸稠珍憐同韻友暫別幾迴眸

哭方井公五首

交結粉榆舊惟君閱歲深絳紗同侍講白水幾盟心雁
序驚中斷龍文竟陸沉思家方拉淚聞此益沾襟

去歲臨岐日惟言瘧在身嗣知爲弱疾醫藥已無神梅
任依堦石書應積案塵早年生二子不及見成人

廿載困場屋三年一共遊句分江口月衣冷秣陵秋佇
見趨金闕將膺歲薦先期赴玉樓儒冠竟誤爾泉路恨悠悠

四十今年是因君轉自傷踰跼虛老大羈縲耐淒涼揀
篋珍遺札挑燈草誅章歸來挈芻絮哭臨一焚將

潘母素鍾愛

井公爲松聲閣潘太母之婿蜀藻之妹夫也

洵過璧與珠門楣

今已矣晚景足悲夫合向空王解休令老淚枯轉煩垂

白叔同舅撫諸孤

聞井公以兩孤託令叔在簡及內兄蜀藻知必不負託也

卽事示諸子

北風吹處盡孤鳥把酒憑軒興亦孤未雨誰深桑土計
憂天翻笑杞人愚世情自合招兵燹吾輩何堪繫有無
所慮軍書紛道路一瓊未許寄江湖

早春道中

菜盤椒酒正芬清族姓懽聯遞送迎破凍獨教投旅店
刻期何異赴王程已知負米并腰折不分窮年只舌耕
藉慰北堂無遠顧秋高佇愜舞衣情

辛丑除夕阜城憶母

晚節茹齋白髮垂承懽正是晴陰特出門預擬還家候

除歲空勞負米思靜室娛孫喚自息寒天拜佛起姑遲
堪傷半世和熊苦博得江湖賣賦兒

憶弟

六年旅食三年閏七度辛盤四別家賴率諸孫除墓草
應憐孤客頰椒花開械惟喜親猶健對鏡驚看鬢有華
摠爲稻粱謀不易頻教鴻陣各天涯

憶內

生長朱門苦未知貧家何幸最能持經年離別煩凝望
卒歲團圞復爽期兒女盡牽羈旅夢糟糠休起薄情疑
北堂暫藉稱椒酒彈指西窓剪燭時

憶女

壯年生女始能存愛惜無殊掌上珍母性過嚴常畏懼
家貧從小識艱辛荒厨脫粟難充腹短褐裁衣可稱身
回首牽裾留戀意今宵爲爾重霑巾

憶期願兒

病妻生育知難再獨子相承望最賢苦爲饑驅從汝懶
還因質弱動予憐觀燈慎勿離昆季祀臘應須侍几筵
繞膝偶違無足惜投經猶少百餘篇

憶諸姪

烹茶煖酒奉庭除輒喚群雛侍板輿取笑盤中爭攫果
課功閒處偶挑書炎冰幾度離應慣花爆今番望却虛
守歲高堂含淚語爾曹亦解動欷歔

讀先高祖奏議有感

高祖在正嘉間正色立朝遍歷中外凡上百餘
疏紀功蓬子二疏載在史書

封事當年累萬言稿經焚削未全存監門直遞流凶繪
銅柱能明惹苴冤姓字豈期垂史籍江湖長念答君恩
只今四世留清德被褐翻令媿子孫

潘蜀藻社集共君字

閒尋汝社好論文况復茅齋對此君鷄饌喜從堂上授
塵談時向座間聞芳菲過眼憐春老潦倒同心十夜分
因憶昨朝南下客江邊寒雨悵離群時吳弼士
應試白門
弼士歸自白門偕飲石經齋步蜀藻韻

誅茅小築寄城隈衆媿過從日幾迴有客忽隨江汝至
入林正及藕花開晝閒只合常聯句歲早應難日把杯
猶喜韋厨芳醕滿不煩投轄懶歸來

閩少尹植公徵詩賦贈

植公以登萊
廣文遷桐

暫收絳帳佐花城宦隱殊多世外情東海賢人爲傲吏
北方學者失先生門因問字常如市書以傳家更滿籬
官舍只今何所事素琴一曲萬松清

生子志喜因步蜀藻來韻

頻年羨爾好男兒老蚌生珠待此時克肖自應同魯鈍
命名亦只望期頤五旬尚覺添孫蚤三十群言得子遲
自分貧家無別業可能還受一編詩

次韻答汪會山先生見訊先生乃予婦世父也

舊築雖存葺亦艱門庭蕭寂晝常關插籬自看霜前菊
扶杖難尋雨後山病久等于鏡莫送詩成亦似債初還
舅家一榻懸相待雪嶺雲岑許共攀

與明農談干支感賦

知君晚節當榮顯我已三旬一第難自識科名需養母
其如星命少催官少年容易誇雞口舊業隨同食馬肝
長此學詩甘隱逸考槃高咏碩人寬

謁寶公祠步江向若先生韻

崇禎壬午城幾破一死能令一邑存爲向西山瞻廟貌
因懷高義動乾坤當年從賊人安在異代知君道自尊

竊怪受恩無報者將軍寧獨受殊恩

輓方明圃

一門高義世應希農圃先朝兩布衣力穡逢年猶有待
荷鋤乞食不能歸人凶蚤定千秋是身在徒傷萬事非
他日繪圖求隱逸澤中空有釣魚磯

寄亞侯

雅尚超然物外閒離城百里是柴關甕香因富陶公秫
閣敞時招謝傅山葑葉燒茶收竹裏蔬盤供客摘籬間
浩菴詩集應盈尺分體編年手自刪

悼張圯孺

問疾看君時愴然支離自說未能痊由來天道難全信

幾見賢人得永年舉世揔無不死藥歸禪益厭養生篇
經過疇昔論心地鶴去惟餘總帳懸

雜詠二首

征衣纔浣又嚴裝客况離愁已慣嘗仕路險夷無我分
科名真屢聽人忙從前自識貧非病向後應成老更狂
忽憶故園新酒熟山雞啄粟蟹銜霜
承顏未得苦饑驅奄忽三旬五歲徂我法但知循放達
人情安在免揶揄隣翁對菊杯堪把逸史工詩調不孤
已識一編難果腹訓蛾仍舊事伊唔

除夕

重趼歸來餞殘臘一年家食只旬餘行裝漸與春相逼

愁緒難同歲並除繞膝漫欣皆玉樹供盤久已是園蔬
西冷遊舫臯城榻何處棲遲好著書

懷方子儼鄉居

遠市幽栖事事宜羨君先得我心期自收秫稻多藏酒
小構茅齋靜課兒賣產欲捐湖課累傍山真省爨薪資
獨憐病婦前垂死姊妹幾無相見時

子儼爲予僚壻

家慈壽日

三十餘齡推節苦五旬有四漸年高因親茹素歸禪早
念子祈安禮佛勞適值援枹驚羽檄未能懷橘佐冰桃
既無善養應須祿潘岳扶輿欲二毛

寄穆若叔

拙菴聊作草玄居一別驚過三月餘負粟心仍懸菽水
借棲家轉似遮廬兒頑猶幸傳經易婦病殊慚設醴疎
逐鹿中原正多事歸途安得任驅車

壽仲父六寮

驛路高峰滯客裝未隨斑舞獻萸觴漸看諸父臻耆耄
轉惜吾生負盛彊獨鶴鳴臯艱飲啄神駒歷塊蚤騰驤
著書花舫堪娛老甲子重編歲月長

喜得秩斯弟書賦寄

深夏還同春氣涼客閒惟覺日逾長睡魔難却朝成例
酒戒雖申興偶狂喜爾授經隣梓里先余歸省獻蒲觴
弧辰五載天涯度今歲原期拜北堂

黃公位之任城余欲貽書潘蜀藻及毅致而公位
行矣嗣蜀藻書來見訊因憶有作

遊屐偏煩第一流也因窮欲送無由我歸君出如相避
人去書存黯自愁遠信殷勤溷水暮清尊潦倒故園秋
最欣闕里瞻車服擬讀鴻篇當臥遊

初度憶家慈

四度臯城感歲華昨栖秋浦亦天涯慚非王事難將母
徒以身貧遠棄家目病恐勞翻貝葉人歸僅得奉山茶
稚兒暫代斑衣舞秋到稱觴泛九霞

宜城漫興

每番神為臨嫁工兼因憚暑益踈慵但煎活水冲山茗

欲襲涼颺傍寺松郭外三江縈縞練望中九子簇芙蓉
菟裘他日思營此菱菜鱸魚佐酒鍾

姚勃少以香櫟見貽代東謝之

旅食難同餐落英名園衆卉揔關情更思嘉實黃垂樹
摘贈多枚香滿罌行笥應須連葉載客窻長似對君清
北堂還作莊嚴供能代區區懷橘誠

寄壽方繡山民部

庭際芝蘭晚漸敷鳳池還擬浴鵷雛笙來緱嶺吹瑤席
露散金莖灑玉壺在野心仍籌國計談經門更集生徒
江南風景人稱美洛社推君領略殊

悼家從晉侯

音耶 屈 卷五十八
寥寥古誼慨斯時然諾多君定不移無黨獨標諸社望
甘貧寧減祭田資族人斂金墾鳳山祭田供祀典外貯建祠宇有欲分之者晉侯義形于色
向平婚嫁中年畢李泌藏書力疾披客歲霜天一爲別
詎云無復入林期

哭倪南蔭

同盟推爾健強身歲運胡爲遽厄辰刑雉歷今方廿載
過駒傷逝已多人韓歐文竟終泉壑管樂才難遣寡貧
甥舅誼兼老兄弟不能歸賻重酸辛

別王蜀隱

賣賦同君辭宅里衝寒我更走江邊諸侯爭識相如重
一榻誰因孺子懸談橘座間惟暫適撫桐爨下每交憐

菟裘得似蛟磯穩歸釣還耕溟水田

將之淮浦憶家慈

拜別慈顏淚不揮含悽哽咽出庭闈長貧猶仗萱華庇
晚節深悲菽養稀就道頻言休內顧治裝幾次閱寒衣
情知跨雀爲難事霜橘還期滿袖歸

憶舊失詩草二首

詩篇約計過千首戊亥詩尤愜性情編次悉經親手錄
推敲兩費故人評許綬人潘蜀藻忽同去鶴終無返從此悲蟲
亦倦鳴近體有時能記憶就中難記是歌行

吾家故物任高哦搜去奚囊奈爾何可嘆稿成艱授梓
未令紙貴頓消磨誼非勝友寧藏拙調本巴人合和歌

或取吳江楓落句餘篇不惜盡投波

卽事

夾岸人將戶牖塗江流千里客帆無犒師業已疲州郡
掠食何煩艤舳艦宵警是風還是霍檣旌如火亦如茶
莫疑河上逍遙慣爲候更番拽緯夫

安平值雪

遡風迎霰到湖臯暮雪飛飛上布袍日昔晴暄偏窘步
前途寒冱曷勝勞炭艱旅店無爐火秫賤家園負甕醪
原識閉門僵臥穩千人冷面重蕭騷

贈徐月鹿水部二首

權賦鳩工任重臣東南再委荷恩綸命僑已著司空績

咨岳行看亮采新莖捧天家分露液梅開官閣咏霜晨
長淮澤沛江鄉遍餘潤能無及甯人
車笠長懸間舊歡江天雲樹思漫漫西湖虛指樓船盛
北闕遙知粉署寒但似昔年開馬帳不從遠道累猪肝
饑驅踏雪人千里莫作尋常訪戴看

徐仲子來袁浦賦示

輕肥久棄布衣群邂逅相過致訊殷畫鷁隨風翔遠水
饑鳥迎雪噪同雲佛堂供冷容僧嬾官舍愁多藉客分
不耐夷門蕭寂甚朝來忽到信陵君

賦得酒無通夜力

衆嬉娛賓盡舊醅不辭蟻泛倒溪杯祇期歸思眠能釋

音耶屋利卷五十八
可怪中宵夢便回向曉柝傳城堡急未成詩就被池栽
轉虞麴葉還相笑獨醒分明老態催

歸途作

官愁客苦孰凄其紳袞逢人盡皺眉大抵猪肝圖自飽
不聞鷄肋棄如遺乘車桓傳誇誠陋捧檄毛君喜亦宜
詎曰宦途非歷險眼前難歷是朝饑

爲龔孝積初度

去歲茲辰正北歸入林猶與所思違霜天隻雁方求侶
春水閒鷗得並飛捉鼻無言行有待遐心自笑遯難肥
當筵不必辭深飲伯仲稱觴廿載稀

潘蜀藻白門握別訂菊月相晤金斗遲之不至感

懷有作

相從百戰老忘疲李杜文章竟數奇萱蔭幸俱寬祿養
萍飄獨苦失屢炊朋簪爭盍平原席雞絮偕將孺子期
已語居停藏酒待石經何乃戀霜籬

安平值方與三季廉邀同錢亦友王蜀隱飲舟中

因閱近詩漫贈

過信匆匆別縞衣湖臯重與對斜暉蓴絲鄉味嘗能辨
時佐酒有皖江肴核榆社天涯聚亦稀字裏風霜來塞徼案頭鉛
槩宛書幃順流期艤南旋艇廿四橋邊語釣磯

遊放生池晤半字上人

紛紛車馬塞河干頓豁塵襟天地寬
三面峰邀仁力解

一泓水仗佛心安。杯罌遠近穿林出。梵宇峻嶒落照寒。
梓里名禪茶話久。長虹直作趙州看。半公
桐人

李修孺招集宛在亭同雲谷兩勛諸子賦

息影嘗懷構數椽。閒亭負郭羨君偏。徑開許共呼樽醕。
興到何妨解杖錢。待雪簷梅將吐馥。近春堤柳似含烟。
更思水漲魚肥日。高和漁歌一扣舷。

濡須道中

底事遨遊倦未還。留眸到處是溪山。楓如列障紅千樹。
河僅容舸碧一灣。背面人家環水靜。成群鵝鴨抱村閒。
菟裘此日堪逃世。豈似桃源問渡艱。

題劉遠公扁舟江上圖

披裘不守舊漁磯。擊汰揚舲當采薇。詩貯缺函聊共喻。
津迷花水欲何歸。溯洄坐愛梅柳老。邂逅猶疑蘆葦稀。
却怪臨流長獨醒。離騷披處雨沾衣。

韓侯釣臺

推食當年誌兩入。沛公漂母並超塵。酬金已異辜恩輩。
拒蒯何慚不貳臣。漢楚欲分須借力。始終無術自謀身。
早知鳥盡弓藏急。贏得江湖穩釣綸。

得石菴和句再疊前韻

物色英流能幾人。獨從逐鹿靖氛塵。築壇事足驚軍衆。
推轂功惟屬相臣。殲敵無餘原震主。將兵逾善莫全身。
細思一飯千金意。誤認分茅勝繫綸。

寄懷沐陽梁含素明府兼憶方中諭廣文

秋城獻賦即言歸良覲無能候撤闈偶向河干驅犢出
時從雲際盼鳧飛星文夜爛青油幕劍氣寒生白紵衣
楊草潘花聞並茂菡萏盤分得饌鯖肥

輯無得齋詩因懷王父四十韻

熙朝鍾秀異萃胄紹箕裘孝友因心篤高明入聖優貧
惟勤誦讀學必廣咨諏不飲同蘇老藏書擬鄴侯伊唔
連曉夜澹泊閱春秋蚤歲登賢譜中年歷宦遊廷評勞
讞獄曹署厯持籌御廡吟多諷王父有御廡吟譏馬政也清屯策更
周有清屯疏凡得餉數十萬弓旌膺特簡桃李已全收戊午典試西蜀非止
文章彥還多節義儔高大司寇支樓乙酉殉難廉能移劇郡臥治見

風流梅閣詩頻著蘭亭禊再修守會稽兩年高賢供唱和勝

地足優游講道群歸正崇文重黜浮樽常開北海榻每

下南州仰並高山切干難片刺投吏民無雀鼠子弟服

田疇撫字除刑獄謳歌遍海陬杵時疑蕙苾因病憶林

丘輕擲二千石長吟一葉舟去越吟十二首此身原有托于世

本無求解組情偏適歸田詠自幽歸詠數十首看山追謝傅

愛竹似王猷栖息石門墅馮臨嘉樹樓彈棊常不倦得

句遂忘憂庭對爭趨鯉機忘任狎鷗杞心虛慨慷梓里

盡網繆散逸懷丹陛辛勤先白頭四知傳祖德一壑永

孫謀靜悟無絃理閒攜漉酒笏遠觀寤練馬幻景識蟬

蛸壽以才名折官因介節休承歡悲菽水廬墓泣松楸

調喜堦筵合門欣蘭玉稠晚猶翻貝葉暇卽引筵篋遺
稿亂中失殘篇篋底摎僅容窺半豹未得悉全牛性自
耽佳句詩能寫別愁風人真不遠斯道幸能留家學余
多愧揄揚願未酬

張如三招飲貽經堂共言字得二十韻

隱市聊堪從嘯傲比隣還得共晨昏爲招衆媿開三徑
因聚萃軒對一樽穿石長成藤作舫依墻編就竹爲門
深林靜亦餘風籟遠岫晴猶帶雪痕萬石家聲傳令祖
一經世受頌文孫昔耽工部勤摹畫近愛香山細討論
得句爭如投玉案讀書應笑改金根空臯誰不聞鳴鶴
巨壑行將起伏鯤下溟田無虞旱歲小山桂自結乾村

魚絲盈市多爲膾兔首供盤手自燔好客清風追北海
高賢雅讌擬西園醉當卜夜談逾永候屆迎春氣已暄
榭柶火添爐正熟臘梅花噴圃猶繁編鶉暫釋蕭條况
揮塵都無世俗言窮轍每令悲阮籍聞鷄端賴蹴劉琨
浮雲其奈人情變舊雨相從吾道尊研北多慙數歲長
鼎遷難忘累朝恩樓頭吟月瞻龍臥簷際爭枝任鳥翻
大被忻輝萃棣萼貧羶莫慰白頭萱相期努力惟知己
薄俗還徵古誼存

范亞夫

出其智與謀可爲漢室輔興項雖不成忠貞已千古

謝疊山

音甲風牙卷五十一
絕食期速死不死乃復食程嬰與杵臼遲速匪恒識

兩雪遲秩斯歸省

館粲汝猶供菽水斑衣余莫慰晨昏今年歡聚無多日
只恐饑驅又出門

歸途口占二首

寒空雪壓萬山深獨抱征鞍獨苦吟來往行人共相笑
灞橋驢背直如今

泝水還家三日程一年于此數經行短驢馳過梅心驛
鄉語聲聲慰客情

七夕

風雨由來此夕多相傳惜別淚滂沱只愁濕砌書難曬

鵲駕天孫任穩過

題杜蒼略霓裳悟劇四首

才人姓字月中芬沈杜風流代出群渺渺雙姑來碧落
湘靈疊鼓夜深聞

爲仙爲佛總皆情譜作雲璈鳳吹聲只恐情根終不斷
在天還欲卜他生

魂飛蜀道太淒其漢殿明妃上馬時多少興亡繫幽恨
新聲如誦黍離詩

舞出霓裳幾淚零不堪重唱雨淋鈴關山到處吹笳月
痛哭寧惟雷海青

...人...
...不死乃復食...
...與...
...曰...
...速...
...恒...

龍眠風雅卷五十九目錄

木厓潘 江蜀藻輯

毘陵岳宏譽駿聲

叅

姪婿姚士堅注若

吳道合 十六首

方里 五十三首

潘天芝 十首

何永圖 十一首

齊敕 二首

陳鶴 二首

張曉 五首

周曰赤 十八首

馬之瓊 四首

吳循 二十一首

童奇珍 二首

江迴 四首

方訥 二首

齊永建 一首

龍眠風雅卷五十九

木厓潘 江蜀藻輯

周曰赤

字子縕崇禎間諸生少與方其義直之善馳

把直之死遂有畦夸誰容我之嘆亦灰心于文戰
矣嘗受知吳橋范質公相國同里方仁植中丞比
均著弔忠稗言各二十章陳子默公序之曰有靈
生然後有宋景有文山然後有臯羽億翁有兩先
略所著梅山詩稿如說雪云欲取烹茶難擇淨即
將照案反成陰啼更悼凶云臨河并縈偏龜手當
社夜來身鳥亂啼更悼凶云臨河并縈偏龜手當
戶機絲屢斷頭雜佩永將沉帝子遺漿何處飯王
孫破衣重補生來巧無米偏炊似有神形同秋後
將零葉命似風中欲斷絲壽君豹云性拙自甘強
顛柿葉書夏日村居云低簷暗接尋巢燕密樹交
垂坐語鶯布穀苦催山寺雨提壺分送野田歌皆
可多得者

擬古

春雨知莓苔春風識楊柳申椒苟不芳荃蕙亦足醜浮
雲在中天倏忽成蒼狗白水空浩浩青山不可久吁嗟
金石交一朝苗與莠馬陵鑿厥胸泚水斷其首花紅不
終朝蜂蝶不待西紙窻與琉屏脆薄君知否孟門與太
行視之若平阜世情已如此且進杯中酒

寄西園

南陌逢春日西園載酒時乍驚花似霧又見柳如絲綠
雨滋平仲青天叫子規不知今世裡消破幾黃齏

哭石公弟

瘦骨本嶙峋今朝遽反真苦催天上賦看殺衛家人

長吉

叔寶俱年
廿七卒

玄塚空啼歎青燈變作燐蕭條池畔草腸斷

不知春

得家書

遊子渺天末高齋念倚閭啼鳥千里暮歸雁一行踈歷
落烟中樹蕭條雲外書開封還自慰母老幸安居

和家需菴新月詩

皓魄本圓滿初生認未真眉留宮樣淺指隱甲痕新玉
彈隨弓側銀鈎入幙親黃昏疑有約遲我下西隣

寄楊嘉樹鹿湖兼憶直之丘壘

湖南十里蟪蛄鳴湖水悠悠淺且清野鹿銜花山日古
小龍蟠谷夜雲生雕陵大澤歌叢桂細雨荒村數落英

可惜樂安墳上草年年啼破杜鵑聲

挽吳橋范文貞先生

一片塵飛掩舊麻心隨玉輦度京華殘碑有字存黃絹
歌管無聲冷絳紗秋老松雲堪唳鶴春來梅雨亂啼鴉
長橋細草東南路野水瀟瀟咽暮笳

挽中丞方貞述先生

齧齒徒勞夜枕戈老臣無力奈愁何雲飛彩袖歸華表
淚滴袞裳挂薜蘿謂無大師寢室杯棬天日少墓門鐘磬夕
陽多招魂處處生哀怨不忍吞聲讀九歌

雪行

力疾頻加酒後鞭衝泥犯雪朔風天同雲頓令千家合

野色平看萬壑連歸鳥已迷前路跡聞雞不辨隔林烟
居人未解征途苦笑指尋梅孟浩然

哭分亮兄

截斷長淮水不流豐城劍氣黯然收張融折柳思張緒
子敬亾琴哭子猷孤塚荒涼鸚鵡夢野燐明滅鷓鴣秋
頑仙才鬼歸何處天上新成白玉樓

哭亾姪

痛定還從野外呼一身區霧眼模糊旛飄似覺寒帷去
燈隱恁看把袖無始信返魂香是假可憐垂老淚將枯
孤雛纔得成毛羽忍見孤雛雛又孤

登九華山望江亭

嗟峨小閣勢凌霄天外長江一線遙石磴幾層盤樹杪
野田無數挂山腰塵埋俗客心初定雲擁仙人手似招
細雨著衣染空翠却疑羽化共飄颻

悼亡詩

破鏡徒勞挂鳳幃深閨靜掩笑言稀風搖環珮魂來往
月照窓櫺影是非死後幸無埋馬棧生前長苦泣牛衣
淒淒白露空庭下腸斷高天一雁飛

秋日圩上苦雨二首

秋霖漫漫作江聲襍襖都從水面行饒鷺狎人窺竈立
馴鷄棲樹下田驚千家負土防堤決八月觀濤苦病生
最是淒涼蘆荻夜多時不見月華明

蘊隆纔罷桔槔聲寒雨秋江一夜平共指青苗爲相國
誰知烏有是先生舊苗久失家人望新黍猶虛祖廟馨
此日報神兼賽社不勞擊鼓更吹函

哭吳又恒

馬鬣驚呼石路長炎風當午欲飛霜瀟湘萬點都成血
巫峽三聲摠斷腸繞樹慈烏頭已白覆巢完穀口猶黃
痛君兩世稱孤子使我重傷十二郎

病中以舟弟不時存問口占謝之

老病憑誰冷眼溫多君高義有殊恩床前灼艾思分痛
別後遺甘幾到門葭管欲回將朽色麥舟先及未歸魂
生來豈有袁晁劫天上人間摠負寬

長干雜興

閒過青樓學浪吟無家司馬復無金多情莫作求凰操
此日文君不好琴

捨身崖

懸崖千尺石嶙峋撒手看雲莫認真試問蓮花獅子座
幾人跌碎本來身

吳道合

字開先水部無齋公之季弟也少補諸生蜚聲菀苑家貧授生徒經史用以自資嘗施帳廬江極爲王水部冶山所引重又去而入幕徇翔依劉雅非本懷晚乃築室山居賈志早世所著有冰玉軒稿僅遺其今體之什一亦猶水部公之詩教也

虔州署中

十月虔州署吹衣風不寒雙江流郭外五嶺出林端橘

柚黃垂屋扶桑紅亞欄不知秋去久猶作暮春看

愁

試問愁何似愁如春草滋草生猶有日愁至已無時三

蓋何曾減五更祇自知可憐明鏡裡兩鬢忽成絲

侯趙新甫賈翔只不至

聞君同出郭掃徑待羊求細雨田間路輕風河上舟林
花開復落湖鳥沒還浮不見人來往蒼茫起暮愁

別胡宜公周子正歸里

春暮君同出冬殘我獨歸祇緣思息影非敢說知幾急
雪驅羸馬寒風透敝衣還家釀新酒相待話柴扉

送筮人吉歸里

君從歲暮返柴扉執手勞勞淚滿衣驛路荒烟人獨去
江干殘雪雁孤飛病中白髮因愁長亂後青山有夢歸
時事漸非休戀土五湖應共問漁磯

江行卽事

天涯此去意如何一葉搖搖千里波鉄版汀蘆隨水落
銅陵烟樹隔江多故鄉書斷無鴻雁旅客衣單少芰荷
惆悵三更山下月隣舟輕唱採菱歌

鉄版洲銅陵縣
皆經過地名

憶伯兄水部越游

葉落寒郊掩竹扉他鄉人去帛書稀錢塘潮汐迎仙舫
天目雲霞上客衣夜雨聲中孤鶴唳斜陽影裡斷鴻飛
相思夢遶江干路鼓角秋城望遠歸

送賀扶昆歸潤州

離亭送別酒如泉蘆葦蕭蕭一葉舡幾盞寒潮江上樹
數行征雁雪中天金山寺隱孤帆出鉄甕城高落日懸
君到故鄉除夕近好題佳句入新年

山居三首

陰陰松竹掩茅扉甫里先生此息機花蕊經春千樹滿
藥苗過雨一畦肥犢耕隴畝奚童去酒貫河橋稚子歸
最愛扶筇亭畔立黃鶯百轉蝶雙飛

柴門吟望滿烟霞秋水秋山處士家題句晚收楓岸葉
壓醅曉摘菊籬花蟹螯入市霜初重雁鶩歸田日欲斜
閒過隣翁留薄飲半規月映碧溪沙

千峰晴雪炤欄干拾得枯枝亦禦寒鴉立墻啼禾粒盡
鹿衝門過葉聲乾菜妻熬食炊朝熟稚子惟燈漏夜殘
長謝利名閒散甚袁郎高臥夢魂安

閒居雜詠四首

深山烟處是茅扉路轉松陰草色微帶雨曉鋤新圃韭
入雲晴斲舊山薇筆因擲久鋒皆盡裘為披多毛漸稀
獨把一竿溪上去碧苔青柳坐漁磯

才微安敢並時流袖拂岩雲臥一丘陽翟樹邊三不出
王官谷裡四宜休暖眠澗草依山鹿涼擢陂荷近水鷗
筆硯盡焚無著述惟將花葉紀春秋

庭畔垂楊五六株綠陰陰下席堪鋪書抄大字防昏眼

藥選各方怯病軀有幾錢能供酒債無多畝易納官租
不須更覓仙源隱遶屋烟嵐宗炳圖

石門蘿薜雨初晴兩兩班鳩深樹鳴蓬滿一堵張仲蔚
竹開三徑蔣元卿事談世外言多誕交絕城中禮漸生
野性自宜山水僻挂瓢原不爲逃名

得錢倩扶升書

一絨遠自故鄉來閩罷重增旅客哀孤館惟餘雙燕到
三春空對百花开每因感舊枯詩思強欲消愁泥酒杯
今夜還家應有夢城端莫遣曉鐘催

馬之瓊

字孔璋號恕菴樞部正誼公之弟也崇禎末諸生性坦易無城府早孤事兄恭謹勵志向學克紹前光每與予述太僕公立朝大節輒拊膺流涕過時而悲風日晴美步屣過從者茗論詩有

飄飄凌雲之概孔璋不常作詩顧喜吟予詩酒酣
耳熱不戒功甫七分之讀也今采詩于其家厯得
十首首摘最尤者以光茲集其紅蕖
一賦清婉秀妍則六朝鮑謝之遺也

九日懷伯兄正誼

連朝風雨到重陽千里懷人逐雁行曾記此時同哭婦
定知佳節倍思鄉頭因落帽風逾烈句被催租興戒狂
縱是官卑猶五斗登高不似葛衣涼

予與家兄俱以重陽前二日失偶

答潘蜀藻戲柬之作

曾訂安仁郊外車禪扉閒煮雨前茶豈知積雨期偏阻
又值多愁病轉加晴向青山催著屐健逢黃菊始開花
琅琅雪調還投我好挈芳樽看晚霞

春夜集從子宅

堂開聚順然高燭柏酒辛盤六七人共話先朝思祖烈
獨憐薄宦為兄貧拔柴自分籬邊老琢玉還期席上珍
戶外春風將剪韭竹林唱和倍情親

送敬孝兩姪省覲滄州并寄伯兄

趨庭喜及艷陽天彩鷁歸鴻影似聯五載鹽官猶豹隱
三春花縣待鶯遷父兄同覺懷思切子弟偏教去任懸
到日篝燈浮綠蟻殷勤和我鶴鴒篇

方里

字井公崇禎末補博士弟子員年纔十六順治乙酉餼于庠為諸生祭酒每試輒領行輩

年三十九將膺歲薦未及期而卒井公初操觚即學為詩迨與吾黨諸子討論聲律原本漢魏三唐而抒袖予懷時有逸氣雋旨往來于行墨之間歿六年而其伯子將仲子來奉母命編次栗邨詩集予為點定而序之鏤版以行其詳載序中井公尚意氣善談論風流文雅綽有出塵之致性不能飲

音耶 屈雅卷五十九
家居焚香掃地悠然自得所至士大夫爭與爲友
惟恐不得當也予母氏一見賞識字以小姝而不
及見其成次并公之詩
爲之掩卷而三嘆云

社集潘蜀藻宅限君字

梁父何其艱雨雪何其霏志士皎日懷裁爲經國文振
此埽塵霧儲此登凌雲良玉萃名山光氣照其群分席
弄柔翰畫晷舒錦雯豪致薄紫虛排霄蕩氤氲芙蓉含
秀姿茵苕烈芳芬咳唾自成珠窮達將焉分奇思縱橫
飛玉賓相與欣餘情振雅歌綺句何紛紛大儒貴通才
正始從茲聞華燈照緹幕詩敵與酒軍剡薦投轄風不
負古所云各抱瓊瑤篇爲報平原君

予初擬遊橫江至蛟臺乘便舟之豫章湖口阻風

有懷同學諸子

小孤山上雲化爲滿江雨孤舟入葦叢雨深風益怒目
擊暴客船傳聞豺虎數楚豫水相擊如風復如鼓初擬
遊江東江東多儔伍諸子折柳特別思紛如縷間入故
人夢應在江南浦豈知湖口濱日對江豚舞窮港遵鷗
道風信叩漁父石尤穿席來檣燈難自主遙念同心人
茲時吟應苦俱在浩歌中猶喜依環堵相思不能寐閒
話同舟賈鄱水何浩浩匡雲自千古別來曾幾時等閒
近重五

壽岳母潘夫人

由來祝釐辭其體多浮靡言者無所稽壽者無所指泛

音韻原平卷五十一
引徒紛紜虛擬將來社鬚眉罔篤行巾幗更爾爾恭惟
松聲閣德才稱並美遠近景高山矧予小子里我聞鶴
灘公古道照桑梓我聞張孺人淑德聲盈耳卓矣宗一
公理學明性始吾母大家秀淵源良有以聰穎本性成
嬉笑所深耻詩書研朝昏五夜猶未已餘力勿蹉跎殫
心精諸技女紅奪天孫書畫有神理長跪維摩前爲親
祈麟趾刲肉治爲羨爲翁佐藥餌至誠感神明孝友類
如此十七咏于歸荆布謝羅綺左手擁圖書右手親絲
泉江陵千樹橘家業隆隆起堂上事孀姑承奉惟唯唯
舟旋無間言綢繆及姑妯司馬石乳公嘆爲諸婦軌無
何霜雪摧昊天奪所倚從此鏡臺塵迄今椎髻似艱難

撫孤兒丸莪無踰是脫簪延嘉賓自供惟蔬水時值兵
荒中玉樹一枝萎小婦矢靡他周道原如砥避地渡江
東田園失耒耜迎姑秋浦濱旅食備甘旨一門集五孀
四女兼獨子舉家三十口經營無暇晷扁舟歸故鄉漸
使石田籽支吾婚嫁畢日與老姑比夜寢必同惟微食
憶所喜幼女依慈母庶幾可方擬母也萃艱辛天也積
福履母儀爲女師母學爲女史晚節詩益細價倍洛陽
紙蜀藻天下才淹雅名下士詩文湖海傳吾黨之蘭芷
同予聲氣中姓字爲人齒媿我忝門楣只合執鞭弭賢
子豈在多簪紱亦敝屣諸孫俱神駿慶餘自累累今年
八月秋母之六十紀病仗佛力康壽自仁人恃里也遵

見聞言之忘鄙俚由來祝釐辭恐爲母所鄙

長歌壽許綏人

行行蘭澤多芳草惟我與君交獨早我方覆額髮如絲
君已典墳恣搜討鏤心劇目驟文場柔穎幽窓還脫藁
珊瑚架上多琳球置身百尺最高樓讀書尚友了大意
摘句尋章深所羞亂離捲書渡江去青溪塔映江南樹
篝火帷燈學益強富於猗頓之積聚惜乎年年作嫁衣
白雪歌來識者稀嚴寒同對長干雪秋櫂常隨落葉飛
三年兩膺鄉進士棄之不屑如敝屣坐擁臯比傲百城
扶風門下人如吏單衣白袷甘牛飯夜長如此何時旦
未有君才老布衣指顧扶搖振羽翰近日城隅卜數椽

蘆簾絰閣須新鮮其中有人如德耀眼看良玉藍田綿
寒爐煨火厨烟濕曝背研朱點白集不知誰爲元與劉
此道牛耳輸君執歸來愁思日相望未典鷄裘進一觴
寒夜一曲爲君將顛倒長歌月滿梁君不見當年謝石
稱人豪如君今歲始擁旄又不見君家有慎選位極人
臣名譽顯集賓結客坐華茵嗣此風流恐不免

天界夜宿

香林飲繁露夜靜似空山筴此多生苦不如諸樹閒月
光穿柏隙僧定老松關未了飛揚意茲時已盡刪

思友人不至

閉戶一無賴出門何所徂日長愁作伴病久藥爲徒好

茗烹纔熟良朋來也無來時談到夜遲月上隣梧

初秋

節氣初秋日空齋雨歇時天如爲睡設風漸與寒期桐
葉能無恙蟲聲不自持蕭條當此際無事也成悲

秋夜

雨過空堦寂閒行露白中孤雲逢去鳥落葉覆鳴蟲漸
覺天無事方知月不同悲惟吾自主宋賦豈云工

秋日爰子留

忽有丹山信傳來不忍聞令名惟死定天意欲成君骨
作江河柱魂依海雲西風飄細雨思爾淚紛紛

寄內

健婦雖持戶綢繆亦苦辛遙憐對陰雨終日念遊人慈
母宜常省嬌兒莫漫嗔江湖不到地無計覓雙鱗

彭澤

楊柳多於屋斜陽彭澤城一帆慚過客五斗去先生荒
市人堪數豐年米尚爭野棠開滿地牽動菊花情

匡廬二首

全幅匡廬畫篷窻一望中山容如此壯行色已非窮濕
水連天白爐烟映日紅先賢讀書處秋老好相逢
山嵐青可摘歷落豁吾胸巖抱何朝寺雲巢幾代松如
知過湖客一送午溪鐘老衲芙蓉約遙期最上峰

春江

春洲天一色輕權度晴沙柳暗邊江寺鶯啼隔岸花日
恬風不競磯遠浪無譁極目南歸雁飄零也憶家

寄內

空江秋色暮無緒度斜陽棗栗饑時稱衣綿冷不妨天
時重九近客思五更忙翻悔霜江客輕行別孟光

春日友人投予詩並覽其全集賦贈

十年前卽誦君詩何幸樓居接一枝遂有美人過薜荔
更憐新咏敵江籬燈挑欲和難爲句病起孤吟慰所思
風雅不嫌常問字石橋來往及花時

夜坐東潘蜀藻

剔盡殘燈未有光因思同客在江鄉茅山人共楓林悴

天界詩分祇樹香只擬鱸魚歸便好可知牛飯夜偏長
望君不及寒宵月映雪乘風到草堂

爾止兄移家還桐予亦遠歸賦贈

江湖汎宅往來繁藥草囊返故園息影自應親薜荔
咏懷從此擷芳蕓吾道惟牛飯心遠何方不鹿門
昨自江干逢舊侶詩篇時復訊吾昆

哭左子永

哲人一去盡潛然况復交情廿載前古道相期同白首
中年豈意到黃泉風生孤館琴聲斷月照空山劍影懸
從此自悲知我寡傷心不獨爲君憐

懷吳燕公真州

少年諸子真英絕轉盼愁思逐歲新獻策總無宣室召
修文復有夜臺人交情不盡如當日故國何勞絆此身
離別愈多詩愈好常招清夢繞儀真

蜀藻石經齋落成限成字

羨爾三間茅屋成新栽竹樹已菁菁堆來書卷自今古
移得山林入市城花選豈容延俗客酒杯時復助詩情
北堂更與東墻接靜聽吟唔子夜聲

同仁植兄夜話白鹿山房

鹿起峰高紫葉肥青山無恙白雲依半灣池水連春草
萬里人歸一袖衣近事同悲壺口缺新詩交唱月弦微
野花插向尊前艷裏語玄心識者稀

餞春

鎮日孤吟臥小園雨雲翻覆不須論風吹燕子泥飛案
月送梨花影到門半榻殘書如素友一龕燈火近黃昏
春光不似愁心久芳草從茲繞夢魂

歷陽九日苦雨同成我存作

佳節好逢良友度相看亦覺旅心哀青天十日不曾見
黃菊一籬都未開鄉夢渡湖忘水濶秋更和雨逐風來
連床幸有詩如畫何必同登江上臺

懷歷陽馬平子

竟日山城雪不休攀芳心侶阻江洲故園偶自開三徑
新咏還期共四愁蕭寺小樓春聽雨荒祠高唱月當秋

予曾同平子讀書
延慶寺左公祠

舊遊歷歷紛吾思
夢逐天門碧水流

念修舉子

楓聲菊葉拒霜新
報爾寧馨此降辰
玉擬吉人分作燕
石蒸佳氣誕爲麟
堦前呼弟憐嬌女
堂上添孫慰老親
豚犬吾兒雖較早
輸君兩事倍傷神

同人折柳詩得酣字依韻和之

饑驅旅食舊曾諳
只有離群意不堪
人共春光相並去
酒隨詩興莫辭酣
逸才俱是鮑明遠
聖草還推虞世南
漫說素衣行李薄
珠璣錯落任吾探

浮山

曲洞危巖雲樹間
遊人今古費躋攀
四時只合僧閒住

孤櫂常於客倦還
天地文章竒至此
江城風景盡當刪
誰言鹿起龍眠好
未許同稱羨此山

輓石公子東壁

廉吏豈應招寇至
文人安可禦群氛
事於曠代難經見
孝亦千秋不忍聞
魄散永成桐子霧
魂歸輕度隴西雲
夜來斗轉烏啼後
萬丈光芒應是君

懷許綏人

人外交情我與君
連宵離索對春雲
况當平子多愁日
又草真卿祭姪文
古道光芒千象緯
人情翻覆任紛紛
盆蘭別後枝枝放
待爾挑燈話夜分

雲間徐子朴五日
招同熊雪堂先生
熊孝標楚中

王子雲集劍江僧舍有贈依韻答之

相看佳節共淹留
小酌招提當汎舟
人是十年勞寤寐
客從五老恣遨遊
子雲自蓬飄幸託平津契蒲泛聊寬
岐路愁却笑靈均無處覓
權歌終古不曾休

答王子雲

匡君一去山千古
楚客悲歌典會同
子雲結廬香鑪峰
偶向劍江
舉社若因借珠閣
話飄蓬交遊可盡如
當日湖海何方著
此翁老矣寒松風格在
臨池擊鉢眼還空

鄱陽撥悶

也知悲是才難遣
去還來客路長
彭澤先生終日酒
香山居士容翁狂
敢將天地為愁府
祇恨平生別醉鄉

贏得獨醒詩思壯
風濤相與和蒼涼

青山

湓口風微白浪號
黃梅陰雨復相遭
大孤渡盡河方細
五老經過天始高
惟信片帆舟似葉
頓忘大澤盜如毛
征途到處皆危地
獨慰長年此最勞

雨泊滕王閣

高閣憑江四望宜
章門風緊雨如絲
雖無詞賦追王勃
却喜登臨勝退之
畫棟重開當日麗
雕蟲羞見近來詩
孤帆檻外孤吟客
帝子仙人知未知

涇陽張仲高負異才
棄官浮家豫章招
賞紫牡丹張君招我
百花天種得傾城
此最妍李白以來
詩可廢

姚黃縱並色難先艷分函谷關前氣光借香鑪頂上烟
始嘆東皇真妙手胭脂多買亦徒然

江上

江上輕風江浪平江舟詩句紀江程草知過客傷心綠
天爲看山著意晴渚暖啼烟鋪旅雁柳深遶樹有遷鶯
由來畏作還家夢夜夜猿聲徹五更

初夏歷陽寄內

種藥三年未見花花時多是客天涯雖然健婦能持戶
莫道狂夫不憶家廿載飄零成倦羽雙江容易泛歸槎
殘書堪理兒堪訓穩閉柴門閱歲華

江上有懷丘五儀

夜話高齋月欲圓篷牕今又見娟娟閉門羨爾書連屋
何日如君手一編遍地綠齊新荻岸滿江青逼長潮天
東流日夜情何極最憶花陰石壁邊

春日

春光又照薜蘿身破硯殘書尚可親門外蠶叢何所適
眼前蝸角亦非真數聲鴻雁驚清夢一樹梅花是故人
老女綠窻隨意織莫因遲暮苦含顰

玉峰

信步登山山轉工最高層處領霜風焚香僧定黃花寺
賣石人行白玉中平野水邨收晚穫邊城火樹亂秋楓
凭欄遙羨寒林屋喬木清溪曲曲通

虎丘

記得來時風雨晨霜楓待我汎寒津一灣流水尋花叟
三尺孤墳弔玉人斷續簫吹今古月高低僧老薜蘿隣
緩歸厭去閨門路回首烟波隔市塵

淮寓夜雪

却怪匡床徹骨寒虛疑月色照長闌黑裘重覆温難借
赤脚雙卷夜苦漫到曉畏風蒙首臥凌晨衝冷啓牕看
元來雪滿淮陰道愁殺王孫滯館餐

懷齊念修渾水

經年離思苦紛紛風雨瀟瀟轉羨君吐鳳賦成驚馬帳
戲鴻書就遍羊裙傷心蛾繭風流盡極目蠶叢雨雪雰

客舍羈孤還自適相期破硯與同耘

皖江寄內

細雨蕭蕭助客思江烟縈繞與愁期病多莫怨醫無力
寒甚偏於旅不宜未分花開人別後生憎書比燕來遲
好風吹醒還家夢記得蘆簾握手時

秋日旅懷四首

記我出門時兒子門邊立兄弟牽母衣藏鞭不肯出
吾兒赴塾歸應誦壁經尾逆數曲禮頭耶去從茲起
遊子歸有時鷓鴣喚不息携爾至家中有人飼汝食
黃葉飛上天霜月皎如晝家人望客時正客思家候

夜坐對水僊二首

香也如蘭態有餘更深憐汝復愁予寒燈挑盡君知否
不是新貪夜讀書
便是無情亦可憐蕭蕭如對美人前暇時我欲修花史
更有何花壓水僊

沙上

百萬人家幾日平浮來如織過江城無情最是金山寺
聽遍歌聲與哭聲

夜行船

露冷三更夢不成輕舸暗度闔閭城風來月落篷窻掩
靜聽吳娘子夜聲

吳

循

字炎牧無齋先生之伯子也弱冠游鄉校雅志墳素覃心冥揆筆鋒健勁有扛鼎割兕之

力尤工聲詩沉博絕麗得于庭訓者居多無齋先生謂其七言近體彷彿文房義山之間同人以爲公鑒予僅見忍齋存稿拾什一惜未獲其全集尚多闕如耳

海魚謠

海外有巨鱗寄跡東南隅從者千萬族飄忽常須臾俯
視鳳麟洲更復凌蒼梧一旦乘潮來江淮恣吸呼鼓鬣
撼陵谷揚鬣漂邑都偶逢豫且網危哉喪其軀垂首謝
蛟螭泥鮒無以殊願言息風濤起此溝中枯

偶成

在市情能勝還山趣已濃黃精和露劖白板倩雲封擊
鼓驅田豕行吟答草蛩禪關剛咫尺不寐聽晨鐘

嚴子陵

雪滿桐江後先生臥幾春半竿留歲月一足動星辰未
敢輕天子應知重故人雲臺諸將相安得此閒身

虎丘晚眺

錦帆涇下水滌洞異地人驚隔代來別墅有松巢白鶴
舊池無雨洗青苔梵鐘欲動僧先集漁火初明客漸回
却喜生公亭畔月夜深猶上講經臺

八詠樓懷古

玄暢樓高望渺然登樓風起詠懷天袖多錦字人爭誦
家有青箱學自傳侍讌早陪齊相後論功還在范雲前
可憐帶孔移難久不見蕭公鼎盛年

趙靈修招集桃花塲同馮硯祥卜近魯呂鐘友祝

子堅

美人折東到閒居亂後園林摠未鋤洗馬過江名更噪
元龍入座氣都除烹來霜後長螯蟹釣得蘆根巨口魚
濁酒一杯吟一曲更深休問夜何如

青華巖方丈望雨

雨勢霏霏似建瓴長空一瀉下郊坰波翻遙浦全浮白
檻對層巒忽失青十里霧迷玄豹隱諸天雲擁毒龍腥
秋來不定陰晴意頃刻林端破杳冥

姚彥昭招步西郊同錢亦友孫喈公姚駕侯翼侯

諸子

燒痕深淺漸含青纔到郊原眼乍醒醇飲真成千日酒

澹交何必五侯鯖堤籠弱柳絲絲雨水映疎梅點點星
莫羨王家羌笛怨春風一曲在旗亭

傲義山體二首

搔首長空望斗牛銀河隔處亂雲流久拋碎錦鮫人泣
虛帶殘紅燕子羞
紉杜幾時還得意佩萱無計可忘憂
青青草色年年好不見春歸十二樓
愁城百二杳難窮酒作奇兵不可攻梅子酸心空早晚
柳花撲面任西東
瑯琊豈必爲情死鸚鵡何曾有夢通
明月易沉人易散一聲長笛五更風

秦淮雜咏

家家河畔木蘭橈潮去潮來十二橋翠管別翻無字曲

絳燈休負可憐宵乍驚螢火烟中亂虛引星光水上飄
一闕未終銀漏促明朝重約醉璫簫

題彥昭半圃

避人小築與心違曲巷編柴晝掩扉蝴蝶自成書帶草
芰荷初製水田衣休言世外烟霞癖且喜城中車馬稀
若比羲熙陶處士東籬不待折腰歸

邸舍偶作呈齊升如

我來梧葉正蕭疎葉落庭空秋已徂張翰有家魚作膾
陸機無使犬銜書酒酣只畏醒時苦夢好翻憐覺後虛
我亦懷歸君更切片帆早爲下南徐

晚泊西梁山

風滿輕帆葦滿汀寒鴉孤立影亭亭半規返照山銜紫
一孤遙天水送青賈舶漸從江口集漁歌爭向酒家停
渡南渡北人多少誰道舟中有客星

咏綠

蕉壓欄干碧砌深雲鬢朝理鎖窓陰教成鸚鵡能呼字
想到蘼蕪不廢吟十斛買來珠是妾七絃彈罷綺爲琴
可憐處處苔痕滿石上何人共此心

和秦淮宋蕙湘詩

兵起漁陽動地催羽衣驚破玉環開情深只有唐天子
碧海三山遣使來

塞下曲

玉關明月照旌旂雪夜征人臥鐵衣萬里盧龍皆版籍
更將何處戍金微

長門怨

夜雨空堦點綠苔昭君歌管幾聲催珍珠還後無消息
夢裏君王亦不來

綠珠

馬上琵琶塞上笳一生幽恨在黃沙何如金谷樓前死
夜夜芳魂護落花

江南白苧詞

小舟無稅不侵關別港斜穿半里灣市口家家籠橘柚
一時爭說洞庭山

潘天芝

字薪孫副使復齋府君之長子也崇禎甲戌

隸學宮年甫十三隨父僑居白門辛巳壬午之間桐邑游饑兵賊交訐予亦挈家南渡嘗招予讀書秦淮何氏園與王子暉文旰摩切工二王書法筆墨精良為人揮灑不倦間遊戲丹青烘染疎秀五言詩尤警拔燒香洗硯超然埃壚之表娶相國何文端公女孫姻婭多膺仕不少降屈所著有橫巖衲子詩稿橫巖其別號也

假館蘭若

俗多愁易劇不耐與浮沉暫借一枝隱何殊三徑深案頭來由影窻裏入城陰坐覺春花寂風聲和梵音

歸舟

歲時供徃復遊子太孤征夢醒詢天色舟移識水聲風嚴炎氣薄霧重浪花平屈指須三日看看到石城

方邵村侍御為予畫紅楓丹桂于便面索詩

揮毫風颯颯只當對寒林赤似分袍色丹如戀主心

霜清威自遠秋興萼同深出入吾懷袖輕塵未許侵

贈衣

張灣被劫作

布袍何戀戀重著更堪憐已被長驅累還將敗纒牽做偏增我惜朴亦受鋒全患難嗟曾共驚魂益黯然

贈無可

不盡當年事相逢笑勿言萬山歸落魄幾載費招魂雖覺滄桑改猶憐皮骨存竹窻清絕處鐘磬伴黃昏

依韻和兄子蜀藻

竹林君最長况復冠予才身縱經年放懷猶逐日開因人心莫熱是事草同摧惟有陶潛與高歌歸去來

春歸皖上贈范小范

皖口春雲衆草芳與君嘯傲挹幽香江花廿載遙生夢
風雨雙龍夜合光柳絮輕颺池上雪松杉寒冒嶺頭霜
黃公帘幔青青在猶記當年結客場

將發白門五弟如孫送至樅川信宿蓮花池山莊

雪夜對飲限寒字

暫將征櫂駐河干強以離顏帶笑看酒盡山莊松並色
爐圍雪夜燭同殘啼沙雁陣愁分影叫月漁烟憶共寒
好待春風吹暖後天涯一艇路無難

途中喜晤范汝一賦贈

晴郊轡繞故鄉塵野鳥巖香意自真雙劍忽經春草合

浮鷗曾似列星頻功名遲暮愁添鬢家世蕭條淚滿巾
握別亭前銜遠色江花山月兩侵人

蜀藻客歲貽書云草堂新成屬為和同人落成詩
適以吳遊未果今寄懷一章兼誌前約

去年書報草堂成索我裁詩和友生白雪三冬殘郢調
梅花二月寄鶯聲寒江汝斷虛安道春水鱸魚憶步兵
客思蹒跚歸倍悉新齋遙妬列星明

童奇珍

字獻其與其從子學顏同予入澤宮頗擅籍
咸之稱家故素封亂後中圯猶好客賦詩飲
酒不衰初艱嗣息晚年連舉數子皆國寶也嘗
與予酒罷叙述生平謂寡欲可以生子信然

清明同胡康生及從子正伯登西山

共結登臨伴青郊眺遠情新鶯出遠谷舊燕繞危城柳

葉綠堤嫩桃花夾岸明論文傷往事清隱足平生

瓶中桂花

誰家玉樹露凝香午夜秋風拂素裳摘取瓶中堪把玩

不知明月上寒床

何永圖

字懷仲號陶聖明經搢之公之次子少習舉子業即攻詩古文辭及長補諸生交接四方

名流頗負時譽事孀母孝聞閭里年四十九賁志早歿其妹夫吳子汝夢以選稿郵寄為登十餘首

存其梗概

詠懷二首

昔我先人訓步趨惟六經徽音杳難續吾道竟無成鄙哉雕虫技株守不敢更中夜忽不寐攬衣步前庭微月倏已沒孤雀時悲鳴丈夫多坎壈勿令傷吾情

東髮事詩書謀身貴有道三十方壯年頽然心已老飲

酒不辭醉長恐玄髮槁寸心得所向醉飽各言好玄珠

索象罔多營喪其寶君看雲中雀恣意游八表

苦雨

晚坐愁看雨連陰六月寒樹枝垂傍水階草浸成灘簞撤還容襍衣重祇覺單去年秋漲苦只恐又漫漫

送方退谷越遊

秋盡冬將至君行及早歸風帆隨水濶烟雨入江微旅夢牽桑梓深情戀蕨薇遙知還里日我亦返柴扉

別施愚山副憲二首

纔傾滄海夢又賦別離詩霜葉頻催客屠蘇漸及期感

君分旅食使我慰歸思再拜辭清暑江帆引淚絲
先生原愛客于我更多情乞米呼仁祖忘形念步兵尊
常隨座滿官亦似詩清分手天涯外孤舟夢不成

過青原訪無可和尚

青原留古寺中有逸人栖石磴長橋接山嵐宿霧齊僧
遵開士律堂費遠公題坐聽鐘聲歇茶鐺待月携

客豫章寄憶

客遊差勝在家時歲事繁憂揔未知室有孟光原可託
門無銀鹿亦偏宜床頭擬釀椒盤酒圃上新垂生菜枝
待我歸同除夕飲莫吟旅館不眠詩

懷舅氏方還山先生

送別江樓何日歸故鄉年早事全非若甥已自同周翼

吾舅應須學道徽兩宿四松霜滿屋

舅家有四松齋

遙瞻三楚

雪侵衣檣舄計過楊溪後桺漸青青草漸肥

依韻答友人

小榻疎櫺一片瓊與君長話復年年遣愁多以詩成癖
消渴偏於水作緣旅病日生翻畏藥春衣初試轉加綿
何時肯破荒齋寂携手蒼苔綠竹前

寄陳季白

幽居山水自追尋獨坐頻操月下琴顧我久無潘岳賦
與君同有向平心窓前桐葉驚秋早枕上松濤覺夜深
靜掃山房供晚眺披襟閒對草虫吟

江迥字開遠崇禎末諸生幼稱英絕才調斐然向若先生甚愛異之書法詩才亦酷似乃翁猶右軍之有子敬通翁之有非熊也順治甲午應舉白門卒於旅舍妻夏氏聞凶問絕粒七日仰天一慟而殞直指請于朝旌之

秋月夜舟次

客倦羈于役扁舟駐楚谿江天澹冥漠楓影半高低明月分漁火繁霜覆艸堤含愁遲入夢哀雁不勝啼

江舟夜盡

夜盡寒知重霜侵月半斜長歌空有恨歸夢已無家宿雁留青渚驚濤起白沙抱衾羞作客寥落對蒹葭

鄧埠看月

生事經年薄窮冬尚遠遊繁霜霑兩鬢微月在孤舟客

况偏宜酒詩情賴有愁欲眠寒不寐無奈枕溪流

白門賦別左夏子子永子周時有寇警

柔風送我木蘭舟涕淚新亭感舊遊烽火那堪多病日別離况自及春愁橋欹楊柳情難折水漲桃花慘不流為問六朝歌舞地古來征戰幾曾休

亂後山居懷友人作

亂草依山碧愁猿共鳥啼柴門盡日掩曲徑自花低霧合長天暗雲封古石迷荒炊餘破屋早漲湧前溪苦盜嗟江北題詩念灤西好朋驚別散孤夢只清凄

客中聞笛

繫馬垂楊傍草亭青山疊疊水泠泠誰家更弄梅花笛

腸斷行人不忍聽

齊

救字稷下復齊公之子也性拓落自放為文才氣橫鶩有聲膠庠無子早卒故不與于難

玉峰吟

玉峰吟吟且歌磊磊落落多軼軻朱門空署釣鰲版歸
去歸來又渡河羈我乘風紫駟馬伏櫪不如病駱駝七
日不糝煤入甌臨邛相過莫相問裘敝金盡典鷓鴣何
必謬為作恭敬銀窻繡戶冷清風笛裏楊花山幾重回
首徐晦送臨賀不如周處彈左雄鷓鴣腦淬芙蓉劍鵲
血鹿脂調寶弓書成便將竹藁削終日憂思天祿閣君
集未能涉經史仲舒安得用博學成童初載教一經筆
耕不解相如渴如今墮却黃金臺棄我雲中白鶴才使

君結襪同紉袴看得黃金不贈來手持金絡索醉舞顏
如赭玉峰風響石磴松何必灑灑大如馬逐逐淮陰市
上塵顛倒英雄安足論匡鼎說詩不為學朱博一丁不
識為通人孔子至聖墨翟同稱孟軻大賢荀卿齊名文
章進退皆由命辨命問天問不明白龍失勢豫且困何
日霹靂挾海雲

懷友

記得連君席論文日幾過那堪遊子淚灑向落花多貧
甚猶耽酒愁深每抱疴碧山銜皎月情在附松蘿

方

字公敏三峰之長子也順治初諸生風儀秀令文藻葩流為栢鄉魏竟甫先生所重延王

家塾卒于彭城署中

丹過燕陰

孤權朝朝遲溯洞金陵驛路半程纔窮途與盡空囊返
久客詩多滿載來荒徑葉隨殘雪掃寒江舟起好風開
北堂新釀今應熟為待歸人醉幾回

曉發

江雲遙逐片帆平霜冷東風傍曉生款乃數聲移渚听
蕭疎幾樹失江城病因長路加餐少人為嚴寒載酒輕
鴻雁群飛應有意可憐湖海倦游情

陳

飛

字子和世居南郊之寺莊坂少孤寡能力學
性嗜酒每酒後奮臂抵掌人皆目笑之乃要
縱論天下事旁若無人順治庚寅督學李弦佩先
生弭節皖上試既竣大羅六邑童子之未與郡錄
者數千人校于演武場試經義五道辰集申散子
和酣而往文不起草倚待立成晷景猶未西斜也

吾邑獲雋者五人而子和為之首屢躋省門則抗
顏坐臯比疏疑釋難肌劈理解後進爭延致之邑
西郊距城十里許有漢大司農朱公墓丞嘗之田
侵牟于豪右刊制碑字年深莫考子和嘗偕其同
志葉履端慷慨持大義訴于邑宰欲反其侵地戟
髯裂眦奮不顧身其言直而辯邑宰為之改容雖
格于中沮其嚴氣正性不可及也履端名之標束
修自好晚年精刀圭之術亦吾黨中跬步不苟者

句曲道中

黛色從深淺平輿一望收入村槐柳暗隔听芰荷浮農
務沿塍急茶綠仗衲留晚風欺落日五月似深秋

維揚即事

穢權乘朝爽空囊亦壯遊幾更新戰伐不改舊風流掩
扇迎新婦垂鞭過剌侯故人能好我啜茗下簾鈎

姚孫植

字建木邑諸生為人沉重不苟言笑合族舉
為家督人服其公所著有悶草皆季友篤實

棚中而肆外者詩篇
委于兵火不多載

秋日江行

秋江空返櫂觸事有餘酸草盡疑山瘦風高覺月寒浪
翻漁艇急霜染樹林丹借問長年者經行又幾灘

曉發

蒼茫猶及記前程隣舫頻驚夢不成槩碎一江寒月影
笛來幾處豔歌聲遠村宿霧星全隱隔岸朝烟樹漸明
空老浮生風浪裏幾人得遂故園情

齊永建

字建侯崇禎末諸生尋入成均晚年不求仕
進隱居七里岡以德化鄉里私謚貞隱先生

板子磯有感

猶存片埃委荆榛曾駐當年細柳營擐甲豈能標赤幟

援枹空說請長纓中流尚有真飛將西上何須老步兵
朝議若教同戮力磯頭不用築孤城

張

曉

字宣之號連峰順治間諸生性倜儻好通任
俠急人之難不啻身受于古今是非成敗輒

揚袂奮髯辨論不休少食貧晚歲稍適不以豐
約異操為諸生祭酒二十餘年甫及六十而卒

送堅兒設帳練潭

憶予當此日曾作秣陵遊別路江千里還家歲一周春
風隨座滿秋月落潭幽莫漫思彈鋏青氈是本謀

為吾桐八
景之一

舟次三山喜風利

客緒憑舟駛江流不許行那知今日暮忽見片帆輕雨
過千峰出漁歸一火明倚篷聽不寐蘆荻拜風聲

新淦發舟

纔理還家櫂南風恰便逢飛流奔去艇過眼失前峯酒
自釣魚換餐因糴米春遙遙江上路何處有先容

東破我禪師次方能邇韻

錫聲忽定遠公還卜得龍眠水一灣修竹到來生別境
高人留處是名山已知乞食難行脚且與拈花共解顏
最愛此間幽僻地寒風疎雨任緘關

和十洲和尚登投子韻

百年無復見禪關幾度扶筇不忍攀廢址已經成往事
遺風豈獨愛名山依稀舊井寒烟裏漫滅殘碑落照間
且共遠公一憑眺浮生博得片時閑

龍眠風雅卷六十目錄

木厓潘 江蜀藻輯

吳會王天階升吉 參

門人郭 璐月珮

丁 倬 八十首 方 戡 三首

左國鼎 二十三首 孫大年 三十首

王 虬 六首 潘五芝 十五首

姚文麋 八首 吳日昞 六首

光廷球 四首 方 雨 一首

吳季鳳 二十五首



龍眠風雅卷六十

木匠潘 江蜀藻輯

丁 倬

字彼雲原字漢公家於柳峯之東為人頗然長德好古博物舞象時即銳意詩古文辭順

治庚寅以領軍采芹受知于直指李公嵩陽五赴舉場不利冥揆苦索以古作者自命江右制府董公聘入幕府甚禮重之其署中寄與花鳥之作頗寓與比君子可以觀其志焉蹉跎三載方蓄賣賦之金歸營草堂一子能文天死隨嬰疾後先棄世可悲也已予與彼雲交不深間一遇於城市寒暄而已歿後始得其髻山堂全集讀之嘆為大雅復作美不勝登其素所善諸子無有為予言彼雲詩人者今人嫉忌成風見人輯詩文褒然成帙非過眼一擲則洗垢索瘢甚矣通懷樂善之難也予于彼雲詩咀咏十日稍撻其尤以志景慕其古文道宕雅健亦入家之正則也彼雲自叙其西疇文集曰人之好名者其攻必多悠悠之口曷足問哉

移居

束髮遭世亂產業歸他家蕭然遺數椽風雨不可遮窓
檣脫已盡墻垣皆傾斜漏痕挂壁上虬然如龍蛇夏兼
比屋衆難禁鷄犬譁我性耽幽僻安能耐紛拏莫得靜
者宅閉門課栽花此志抱已久想像徒咨嗟年來爲賣
賦餘錢足生涯遂我買山志茅屋團桑麻斗室雖固陋
庶以樂烟霞

先大父石崑公性好讀書生平手不釋卷家藏書
甚富兵燹之後已悉化爲無字碑矣後從里人
購得數種係大父所批閱者予愀然不禁手澤
之思焉遂賦此

小子有大父號曰石崑公生平無別嗜讀書稱良工殫

精積歲月垂老典不窮終日手一卷藉以自磨礪閒情
及幽渺精思遡鴻濛手披而口誦研討罔不通束髮承
先業田舍亦頗豐竭資蓄經史遂令囊橐空攤書數萬
卷肯學田舍翁莫以貽後嗣黽勉承家風先子守遺訓
坐卧惟此中小子及見之牙籤集崇隆意謂學蠹魚可
以闢蠶叢何期當明季賊焰彌天紅死老歲相繼流窟
日西東楚人施一炬幾灰數畝宮遂令充棟書飄散如
秋蓬嗟哉先人遺守之不克終念茲每不忘嘆息心惋
恍今日邁茲帙宛與寶物同開卷睹遺筆析義何玲瓏
長跪細讀之豁然開我蒙愀愀念先澤涕泣愴私衷

雜感

東鄰有富賈往管事詩書翩翩守縫掖終年坐寒廬中
道棄擲太慨然事鹽魚端木殖屢中計然智有餘千金
一朝致輝煌起華居繡戶春風暖雕檣夜月疎堂前列
珍錯室內羅瑤琚嗟哉西鄰儒枵腹賦子虛讀書不得
志視此復何如

寄汪瑤若兼懷劉爾仁汪禹行蔣素書諸子並悼

孫不害

夢想結天涯伊人在空谷秋雲覆涼軒秋花映茅屋憶

管登君堂琴書紛滿目酒對聽秋荷茗賞隱綠竹

聽秋隱綠

瑤若軒各分韻角新詩彼此互相讀倏忽兩經秋予也空碌
碌章水通樅江地遠不能縮孫子竟飄然臨風惟一哭

君家老梅湖詩篇想盈麓練潭秋月佳劉伶醉幽獨蔣
子大江濱苦吟筆幾禿念之俱不忘把淚盈一掬
獨酌牡丹花下時牡丹方含蕊未開

看花莫待花狼藉春風到處皆無價牡丹含蕊卽盛時
斯言有義君無訝一壺獨坐牡丹前牡丹無花自低亞
女兒十五正盈盈早晚待得東風嫁嗅之無香若有香
流光隱隱杯中瀉一吟一酌醉花神花情酒意生涼榭
蝴蝶紛紛去不知枝頭若聽黃鸝罵幽人醉去枕石眠
落紅無數桃花謝

題姚休那先生畫松鶴圖

先生古文甲吾桐機杼不與衆人同每每側出取奇徑

矯如俊鶻翻晴空昌黎之骨蘓之氣舉似先朝近徐渭
詩歌別是一家言不學唐宋非漢魏誰人不讀先生詩
歌古文詞先生丹青妙手無人知試看此圖松與鶴蒼
涼神骨墨淋漓龍鱗冉冉生烟霧一片空明老雙樹羽
衣丹頂兩翩躚恍惚毫端欲飛去噫嘻先生無事不堪
傳筆墨之間皆欲仙此圖不知爲誰作依稀染翰見當
年安得先生坐此青松白鶴邊我來長跪問字先生前

烈婦篇

婦徐州人海氏生有姿色偕其夫以事至常州
夫誤交匪人致婦以逼奸自縊有長年首其事
於常之司理抵奸者罪常人醵金爲婦祠予聞

而賦此

我聞徐州之烈女王陵之母識真主對使仗劍勉其兒
漢書百代揚芳矩又聞關盼盼身事張建封感恩席寵
矢相從十載鎮徐不復返高樓燕子草茸茸貞風曠節
美不止千年又復生海氏家貧乞食走吳門途窮坐困
誰相視可笑慕砧不識人豺虎叢中索交親無端把臂
結魑魅遂使白玉埋黃塵嗚呼丈夫不能飽妻子奔走
寄食至於此雖然廟貌起江城海氏未死陳郎死我喜
長年俠士心司刑不貪暮夜金又喜此事當都市瞻風
仰德動人欽君不見亂離以來烈節多名埋艸間可奈
何

雨意

火龍作祟雨龍睡郊原赤地無遺穗濃雲忽起西北隅
雖不是雨有雨意一聲霹靂起狂風江頭橫吹塵濛濛
雲收風定青天出明月半輪斜挂空

人犁田歌

霜風吹面面色紫臘月霜風割膚指官牌火速催開荒
耕牛凍倒荒田裏田荒土老草根齊可憐牛耕耕不起
牽牛且去草堆眠人多應與牛力比一翁把犁梢後扶
六個前頭作牛使犁頭插處用力齊力疾犁輕生歡喜
我得田開免官刑縱使呼我爲牛何足恥

捕盜行二首

不捕盜盜心寬乘舟走馬沒人關借問有盜何不捕人
間那得知其故於今新令敢不遵一家被盜官爲民所
以有盜不敢陳鼠盜公然能殺人君不見前村失盜當
白晝星夜報官官不究
不捕盜盜猖狂身坐大馬手執鎗公然來向城邊宿下
馬依城占民屋道是王子旗下來呼官喝吏奉王差是
盜是兵誰敢指左右居民懼欲死君不聞昨日鄰縣盜
被盤假扮旗兵來拜官

驛馬行

江邊大道通南北紛投官檄人如織往來差使限行程
百里長途只頃刻可憐驛馬日奔馳無人肯惜飢與疲

夜食芻粟不滿斗曉起星馳力不支背瘡脫落肉消盡
但存皮骨任鞭笞自從槽頭食官粟東奔西突無寧時
君不見金張高第養花驄黃金寶勒生英風錦連錢挂
珊瑚紫繡障泥披胭脂紅托身幸入朱門道顧影驕嘶
弄姿好健兒牽出不敢騎終日雕欄飽香稻驛馬驛馬
爾何如我今對之生歎歎似此辛苦勞頓不得息不如
民間長耳驢

舞磔行 并序

劇用彈唱六人執琵琶胡琴各一器二幼童盛
飾爲舞女登場兩手各持磁磔一磔口繫金鈴
十二鈴下綴綵絲長五六寸橫一箸於磔口以

手按之又口銜一曲箸長出額上飾以綵絨上
繫一鈴頭頂置磁盞一非有屬也盞內坐短蠟
火行動則以口所銜之箸與盞相擊轉側盤旋
腰反弓至地而盞不脫手舞磔翻磔翻鈴響鈴
響綵絲飛舞五色炫耀而又以箸與磔口相按
之響爲節箸與磔與鈴之響又以絃索聲爲節
絃索聲又以歌聲之抑揚頓挫爲節誠劇中之
妙伎也作舞磔行

中丞夜譙華堂清銀燭輝煌張高檠後庭家樂饒新聲
優童隊隊美如英不用金鼓聲錚錚琵琶絃子夾鳴箏
兩童睂目可憐生膩姿倩質美人名內家粧束何盈盈

羅襦繡裙燦兩楹白玉雙磔手中擎金鈴十二流蕪明
頭上燈盃光晶瑩口銜曲箸如倒莖燭花爛照氍毹平
兩人對舞相送迎轉側身比飛燕輕驚鴻迴雪難其評
五花滿體光眩睛燈盃不動同生成舞罷發歌聲傾城
絃聲切切鈴聲鳴歌喉嬌轉宛流鶯司空見慣不勝情
筵前座客皆魂驚疑是雙成與飛瓊連朝痛飲頗病醒
對此踴躍重稱觥不見當筵酒未傾已報城頭月五更

白龍潭

何處龍飛至清潭恍惚同逼人毛骨冷噉岸石崑通吐
氣雲生壑含珠月照空應嫌江海濁潛影萬山中

烹茶聲

月團炊百沸不獨有松濤野笛回風細秋螿壓露號既
開翻帶咽漸久若爲高頓解詩脾渴功應倍濁醪

簷鵲聲

花徑晝陰陰簷前送好音欲從誰氏語似學老夫吟絮
比梁間燕親於枝上禽小窓書倦後聊慰寂寥心

訪方象山二首

江上相思久今朝始一過草青人徑軟日暖雀聲和樓
倚松間靜峰攢戶外多十年曾未到無地不崇柯
竹徑新栽好居然覆綠陰紆迴成勝境佈置見閒心花
氣長春晝林烟狎暮禽休文今更瘦可是爲貪吟

寄姚揆采索書

姚子丹青好揮毫得未曾霞箋繞一幅雲樹幾千層飛瀑疑聞響懸峰若可登小堂虛半壁爲我寫峻嶒

皖上過諸蘭若有感

殘城灰燼後蘭若一時新民困輸僧逸官慳媚佛真睛樓高插漢香砌淨無塵獨過培源院故撫李建培源書院傾歆實

愴神

舟泊皖江同姚聲侯望塔燈感賦

古寺浮圖出風燈徹夜明珠光懸歷亂星影望縱橫佛力光輝大江天氣象生民間烟火斷獨照梵王城

東亭雜咏

傍菴小閣俗塵稀曲徑懸崖樹數圍時有清風當牖入

日看野鳥近簷飛潮聲帶雨江頭急帆影連雲天際微爲愛幽閒移講席游人莫更叩雙扉

新柳二首

壓雪經霜剩此生光風隨例及春明欲垂青瑣條初軟卽覆長堤綠未成冷讓梅花先入夢嬌催黃鳥尚無聲人間只愛濃如幕淺碧輕烟倍有情

逡巡暖律移寒律次第池頭及隴頭眉黛學描螺子淺腰肢試舞女兒柔王孫歸意先春草少婦愁心逗翠樓若待章臺堪走馬何人不解說風流

浮山

似窳禹穴讀秦碑想見洪荒結撰時九帶棋殘開士少

半窻詩在和人誰於中老我夫何恨此外看山總不奇
可幸張公與陸子得留名姓石間垂

浮有張公
岩陸子岩

水中鴈字二首

憑空篆隸注文河爲籀爲斯了不訛萬頃平湖髻几淨
一灣荒荻管城多纔題妃怨過湘水又寫招魂付汨羅
別有幽懷誰寄取遊鱗親與遞江波
何處飛身入畫圖度江踰嶺自擦觚似傳露布移三楚
疑降天書下五湖洗研一池皆錦繡揮毫無處不明珠
爭知流向天涯外更有人能讀得無

重客蛟臺作二首

十年詞客別江村風景重來欲斷魂隔岬漁家猶小艇

舊時講席已頽垣驚心興廢同桑海屈指知交幾墓門
獨有街頭生氣象聯翩窮巷起華軒
夾岸垂楊江水淡遊踪復此寄浮沉非關駑馬難辭棧
自是窮猿不擇林冷雨疎燈他日夢夕陽枯樹故園心
龍光匣裏星霜色祇伴饑驅恨莫禁

題齋中壁

牢落風塵吾道窮羈愁別恨寫焦桐一頭白髮青絲裏
天下勞人靜坐中鷗鳥乾坤何泛泛蠹魚日月總匆匆
分明蓄有鹽梅在煮入藜羹味不同

戎裝美人走馬燈

六街簫鼓月輝輝新製華燈勝九微戍婦從兵穿燧入

胡姬出獵及宵歸榮陽誑敵添營火西苑清遊換舞衣
想是軍前娘子出銀鞍鐵甲走重圍

田家樂口號二首

老婦攜筐出隴頭春蔬手摘濯溪流呼鷄自減朝餐飯
煮菜時添夕照油陌上桑稀經雨長畦間麥爛趁晴收
良人能稼妻能織不羨人間萬戶侯
瘠田頗足供朝餐亞旅同勤力亦寬積穀每防春後貴
採薪爲備臘中寒瓜蔬雨過生三徑兒女燈前笑一團
惟祝百年無個事自甘粗糲樂平安

題秦淮寓壁

獨坐河亭雨後天輕風落照拂長川吳歌隔岸誰家院

官柳平橋幾處船上客樓經五度花開秋樹又三年
他時擬斷秦淮夢何事重來聽管絃

喜錢西頑移居樅江時予客孫子穀家

風雅爭誇絕妙辭中原何處是壇壝自從世有田間集
應使人傳皖上詩書信虞卿窮後著吟如杜甫老來奇
射蛟臺下多騷士唱和君當共阿誰

大醉周晴雪草堂口占

今日何日樂事除一觴一咏夕陽斜尊前列坐四代客
瓶裏插梅三樣花洗盞更移樹邊石不飲其奈頭上華
我已十年守酒戒却教醉倒先生家

梅花詩和于忠肅先生一韻百首

存四首

信說花神却有神百花魁首占來真空山冷落聊爲貌
香國幽清別動人色到素娥方是絕文如秋水始超塵
怪來近世臙脂好除却紅粧不數春

看花常是說花神俗眼何曾看得真共解羊膏扶翠袖
誰能驢背問詩人清同瘦鶴池邊影韻絕青山雨後塵
早占東風君不識柳條漏洩始知春

寒威栗冽愈生神含腐銀毫咏不真鶴警閒披王季伯
蛾眉淡掃號夫人寧甘雪徑藏香玉不向紅亭惹市塵
桃李無言還自笑東風猶說遜伊春

飲露披霜看益神乾坤清氣寄茲真白雲峰頂留仙子
明月樓中坐美人勻面不須何氏粉香魂更厭石家塵

寒時莫放溫時眼杏子梅花兩樣春

哭周晴雪

八十翁翁老蠹魚一朝拋却案頭書多時學佛生猶寄
盡日吟詩病不除有子恰先歸淨土

公迂長齋先
公兩月去世無人

更忍望陶廬

公齋也

憐予頓失忘年友酒國詞壇嘆索居

方還山先生見訪旅寓

茅店疎籬雜市喧忽傳詞伯到柴門鬚眉老去風流在
杖履親來古道存一自勲名辭絕塞遂將詩賦霸中原
如予閒唱巴人調白雪當筵可足論

初入董大司空公幕

先秋書劍入華堂別館風高十丈墻祇爲傳經追馬鄭

音耶風牙卷六十一
不同彈缺近侯王戟門禮法容長揖幕府文章愧大方
却喜梁園賓客盛得驟枚乘與鄒陽

夜雨

濃雲涼雨秋已深幽軒孤坐宵氣沉北風颼颼木葉下
空階寂寂草蛩吟似醉非醉攤書卷欲眠不眠愁客心
遙憶故鄉兒女輩忽令愁絕欲沾襟

清明日憶孫子穀

佳晨三載共留連載酒尋山古寺邊落日醉眠芳草路
春風詩寫艷陽天騷人竟卧麒麟塚稚子初焚蝴蝶錢
遙憶野棠花發處聲聲杜宇最堪憐

林君貺從署中納寵詩以賀之二首

十載京塵客久鯁風流猶自未能刪幾時流水迎仙櫂
何處飛花引玉顏淪茗評香官舍靜調鸚聽鶴繡簾閒
問君匣裏如椽筆能否纖纖畫遠山

為愛遊梁薄漢郎

君貺時當謁選以赴司空公招不就

芙蓉池畔賦求凰

雕櫺自愛衙齋煖雲鬢猶看故國粧閒點鴉黃分彩筆
時流鶯語到書堂語君急試緇髯法

君貺曾以烏鬚良方見示莫遣

梨花壓海棠

哭亾兒巘三首

千里江程涕未乾家園漸近益心酸到門花樹容華改
閣室悲號天地寒大厦頓教傾柱礎春風偏與折芝蘭
髻山堂內書千卷蛛網塵封緗帙殘

書籤藥裏滿床頭手把新詩淚欲浮句句憶予徵至性
篇篇採藻見風流卽歸地下應才鬼若上天堂定玉樓
顧我老年行蹇蹇整鞍可奈失驄騮

忍病臨歧何嘿嘿懸崖撒手太匆匆

見病作卽不能怕語越兩日而逝

留一句傷心語流入雙親苦淚中地老天荒愁莫解海
枯石爛恨何窮恰如一片飛花影辭樹無言逐曉風

江右署中賦得盆花二十韻

渠渠依夏屋落落對青氈佈置憑叅錯高低有後先是
盆皆著土不地也能鮮細草垂垂碧丹苞纍纍懸幽蘭
芳可佩翠柏偃逾妍半死梅椿古纔開薇葉圓榴枝紅
箇箇荷蓋綠田田倚石春桃小依墻秋桂偏曙迎朝帶

霧月照夕含烟清可消煩腑香堪快綺筵擷萃真足適
攬勝轉生憐草木榮金谷林柯盛輞川琅玕生渭水檜
柏茂平泉物荷栽培大英滋雨露全何堪勤灌溉而復
苦拘學仙李蟠根縮長松屈榦卷蟄龍思奮爪籠鳥憶
高騫梧以干宵直藤須任意牽飄揚鬱以達束縛氣難
宣豈不雕欄貴終期浩蕩天

子夜四時歌

郎愛芍藥花不如愛桃李芍藥雖嬌盈桃李能結子

合歡詞爲姚翼侯買姬作

螺黛鴉黃倚繡幃主人猶說小星非知君室內行銓咨
待得功成換舞衣

卜來人種送霞觴知列金釵第幾行花下添香容侍女
不勞鸚鵡作彈章

子規

劍門含淚向南天啼血三更幾萬年野鳥解懷亾國恨
不應千古有劉禪

秋雨聲

小閣疎櫺戶已扃清宵細雨一燈青階前錯種芭蕉樹
滴瀝空庭徹夜醒

蟬聲

疎桐高引晚烟齊蟬翼聲中夕照低不爲悲秋懷慷慨
何緣苦抱樹頭嘶

秋霜色

月落天清霜正高空山寂寞野猿嗥溪林不但催黃葉
更會人間染鬢毛

霜葉色

昨夜微霜染舊林紛披五色映江澄如何人只言紅葉
辜負秋風造物心

金陵竹枝詞五首

琵琶絃子與箏篋畫舫中流挾妓遊風煖青絲吹抹臂
月明紅玉照搔頭

酒樓處處有笙歌華燭紗籠映翠娥今日河房還若此
當年舊院却如何

少婦晨粧掠鬢遲蓮花高起鳳頭垂近來不作金陵樣
也學皇城打練椎

黃金寶劍白花驄酒舍歸來火夜紅不怕定夏城上砲
守欄人自認燈籠

文德橋邊朝走馬秦淮渡口夜遊船女兒蕩槳妖僮唱
不唱當年舊採蓮

偶從童名戾扇頭見方象山墨竹及詩甚愛之因
以素箋一幅索畫並寄詩一首

我有山中園十畝千竿修竹覆東籬看來不及齊紈上
傍石蕭疎一兩枝

刺繡美人

小几疎簾花氣清針神刺繡宛生成見郎莫看穿花鳳
交頸鴛鴦更有情

度曲美人

象板銀箏簇酒卮桃花氣暖柳初絲郎君愛聽新翻曲
莫唱當年舊柘枝

走馬美人

銀鞍繡勒驟紅粧日暖烟消古道長粉面已隨蜂蝶去
輕風猶送鬢雲香

月下美人

明月隨風上薜蘿玉人間坐話嫦娥廣寒縱道清虛府
不及河邊織女多

吟詩美人

翠樓晴晝對芳園楊柳枝頭春思繁為學含毫尋綺句
朱唇半染墨香痕

學佛美人

已自香閨斷酒卮談空說佛緒如絲蒲團曉誦金剛後
自向蓮臺插柳枝

哭何懷仲二首

我瘦君肥自管時君常憐我病如絲即今楊柳纖纖在
風折榭楠合抱枝
歲歲傷心為鄧攸幾番人種覓風流黃金買得吳姬在
空閉春風燕子樓

姚小山新納雙姝邀予輩集飲內齋江在滑成十

絕句以贈余亦步韻和之三首

高衙客醉新春酒畫閣香生絳蠟烟莫道河陽花事少

粧臺猶自闔花鈿

新試風流別樣粧金釵已自兩三行簿書縱使勞廉吏

莫遣寒生翡翠床

新詩保艾咏清宵

小山夫人工詩
著有保艾閣集

還聽名姝夜弄簫恰

似鸞歌纔罷後春鶯雙囀樹頭嬌

孔雀

以下皆董司
空署中物

錦羽珍禽致遠方屏開修尾映華堂只因文采生來異
不得深山樹裏藏

鸚鵡

毛羽翩翩自隴西重門深鎖倚人棲消他香稻能多少
絮語終朝架上啼

白鷗

雪徑雲欄立素衣當軒顧盼有光輝為因躑躅雕籠窄
却羨簷牙瓦雀飛

鹿

毛斑角勁作麟文秋院無人日色曛細草蒙茸高卧穩

清泉白石念離羣

方

截

字周臣副憲聞菴公之仲子也順治丁酉舉
人時舉場物議沸騰上親行覆試周臣伏
墀下揮毫肆應文不加點再試亦然俄以疾卒于
京邸周臣談論亶亶俠氣凌雲頗為四方士所推

挽而年不稱
志時論惜之

遠望

柴門舒望眼淡月隱前峰遠陌登新穀長堤秀老松歸
心依栗里渴疾重臨叩夜寂蛩吟露聲隨枕畔鐘

秋日江上偶作

孤帆隨日遠秋色冷征衣蘆渚沿潮出沙溪載鴈飛路
遙家信杳世亂故人稀彈鋏空惆悵長吟過釣磯

春日遊謝公墩

問春特向古林中學士風流憶謝公屐齒猶餘今日快
燕泥不減舊時風樓頭新樹含朝翠山下晴雲映晚紅
最恨六朝人盡改令人徒弔石城東

左國鼎

字夏子侍御貞介公之冢子也崇禎末諸生性孝友信順鍵戶下帷無輕肥少年之習南渡後貞介公幾罹不測夏子挈家入黃山左右無方卒免於難歸里季事二親克稱家督傾慕姚休那先生與昇至家時其寢食與貞介公講出世之學其養志者微矣所著詩古文有濟細草葑間集類觸編休那死夏子為之傳真之掌慧軒集中幾不可辨其亦太玄之桓譚也夫

咏懷五首

種桃松栢側雨過即萌芽倏忽一二年灼灼盡桃花透
迤連樓閣天彩燦雲霞去來游女摘摘去仍繁華蒼鬱
松與栢落落空嘆嗟桃開趨艷陽莫謂不須誇
鳳非竹不食鶴非魚不餐彼此不相羨天地固甚寬有
角復求齒觸虎勢必難具翼戛翼足凌雲豈足觀長林
豐草中云胡不盤桓

鴻雁渡江南無風能高飛胡為返河北風高力益微銜
蘆避弋繳所恨軀已肥江南雖沃饒河北亦須歸請無
伍鷄鶩飽固不如饑

山鷄麗羽毛映水即起舞有女艷顏色覽鏡泣如雨不
解舞者意那知泣者苦遭逢固已殊豈不皆美嫵

願交游俠子願持劍與斧報施欲分明豁達見肺腑異
哉為虎噬忘仇反媚虎附虎作鄉導護虎防機弩有俚
虎彌毒毒深壽彌古射虎技不難制俚心獨苦爾俚何
其愚爾死良自取蕩陰豈不忠君子曰無父君父且如
此况乃皆儔伍為歌獨漉篇為君拔劍舞

短歌行

人笑者守拙人嫉者能巧不材終天年碌碌復溫飽君
不見仲伯攜妻入武關恐有暴者愛其顏泥塗婦面載
鹿車每逢賊奴淚潸潸美花繇來惹蜂蝶何如孤松百
尺老青山

答休那先生

既壯親師不爲早只是先生真年老也具片時學爲文
難向先生言屬草尹見邢妹爲逡巡何況並非尹夫人
貶道忘年與之交聚首何緣疑夙因不效大春責梁肉
但令魏昭供餽粥殷勤誘我美柔翰柔翰猶之雄逐鹿
與爲河西寧夜郎不妨膽窟近徇疆更拈禪觀深夜扣
聲聲有如獅子吼吁嗟乎先生長饑復何悲不律阿堵

不相知憶昔天子舉賢良羣附青雲覓一枝文端不進
窮時友遠邁王貢追子期嗣後丞相閣頻開露布尺一
多手裁假使顧郎可衣食何嘗廉吏不解推吁嗟乎綺
黃旣出不爲逸淵明尚多五十日破褐芒屨竟遺形老
向後閨看柳青看柳逡巡意相屬慨然而嘆爾之所長
誰之不足我與周生敬聽之翻笑先生爲望蜀得如先
生亦足矣奚問得盧與得雉異哉周生氣太豪獨爲先
生種種不告勞元龍不遜許汜床雅意擇敬陳元方曉
人抗節能折節眼到亮時方優劣吁嗟乎劫灰正熱典
籍將滅天留伏生口授書幾人聽得向人說

周生恕行也

上楊維斗先生

夫子關西彥吾儒得所宗
附形因和響歸海故從龍
世俗操瑟元音但鼓鐘
洞庭秋色外縹緲是高峰

廿二兄子直舊居新葺

羽翼多分散君還戀舊廬
數椽容易葺蔓草頗難鋤
驅熱頻移竹療饑且種蔬
市囂心自寂車馬任紛如

悼光輯侯二首

異姓如兄弟同庚分死生
含悽書訣語展讀見交情
地下有元伯人間幾巨卿
精靈應不泯爲辦夢相迎
有婦堪從子床前女一身
至今文伯母勉慰未亾人
茶苦寧論味楓丹不是春
此時尋聚散一一付前因
過義津橋擬訪姚休那先生
不果

高齋相別久近恐益凄清
月掩雙扉白秋隨一葉鳴
書從何處借病可到家輕
未得瑤函展蒼頭遠寄聲

集孫豹人方明農李仲山潘蜀藻諸子

半夜聆佳句孤蹤備苦辛
語顛全不諱道合豈嫌真
氣冷歌偏熱情深酒易醇
醉鄉隨處好忘却是西秦

與周恕行飲

宜光短陋名還著貌不驚人
氣自如壯志欲爲知己用
長貧願借主人書遨遊市上
多奇事喪亂山間乏草廬
歲暮停車聊握手酒懷漫道
尚輸予

輯侯攜妓秦淮招予同汎

有客悲秋怨故人許多西子
亦眉顰蕭條敗葉無風落

掩映黃花傍月新聽到曲終偏感遇擬成宦就不思尊
佳人獨羨年年渡淮水知非妬婦津

客中冬日即事

苦寒奏聽倍增愁慘慄飄零歲暮秋雪積竹垂山盡現
冰膠舟住水還流僕眠爨下癡難喚客過齋頭懶亦留
矯矢誰人猿且哭羊羔攢飲更重裘

哭仲弟子永

靜聽鴈鳴啼不住可憐折翼獨傷情小園竹下如留影
遠客書來尚寄聲爾逝豈真淪苦海予生從此對愁城
開顏賴有維那話清籟蕭蕭試一行

送西頑

西頑講易里門者月餘其考究之博如明善鬼
神之靈變雷霆之震驚其持論之正又如伯生
之治性情期于得所欲言而止若夫儒釋岐途
言下一貫裴冀州之釋傳荀通彼我不足喻矣
觀于負苓者不病文王我輩之樂有西公也豈
爲蛇足哉講訖秋風漸高將之吳越取道鶴鳴
諸子羣爲詩以謝之予最陋附一言于其末
江邊看釣歷殘冬不是譚經不易逢天自劫餘留妙舌
人于夢後聽洪鐘周妻何肉情無礙艮卦楞嚴意已鎔
秋典濃時偏惜別鶴鳴山外一重重

懷陳二如

客中一歲歷寒暄上苑連看春色繁同去公車都返舍
獨留太學爲承恩離懷畧減嚴親健好事頻添故舊論
時伯鸞及家子直子周次第至京捧檄可甘微祿就才人未免重名根
葛鼎如先生五日招飲卓觀亭令嗣庶咸象交在
折東頻招客不閒惟從長者接歡顏喧闐金鼓舟隨岍
斟酌香蒲席滿山眼歷興亡無限恨情如屈賈取相關
年年此日應追憶五色絲同戲彩斑

初度日省墓

初度觴親亦自觴因逢寒食到荒鄉病餘敢視此身賤
春盡無令舊俗忘兒姪新來尋祖墓弟兄強半集祠堂

笑予華髮新添白可許丁年讓老狂

巢湖遲羽士孔修之不至

懸知採藥白雲深南北茫茫何處尋不必引嫌迴避客

任余彈鋏爾彈琴

孫大年

字子毅一字不害崇禎未邑諸生家席溫厚弱冠能自堅立交通任俠結納賢豪軒車造

門賓從填咽中歲居樞川所與往還皆詩人高士四方名流至止有如歸之樂關中孫豹人李岷瞻梁苑陳簡菴浙東駱方流皆以訪舊來吾桐舟過蛟臺未有不願識子毅者與舍山詩人投契尤深每一篇出咀咏贊嘆雖唐人之鑄賈島宋人之宗涪州無以過也所著有一草亭稿讀其詩可以知其風尚矣

同友人再遊月空菴

月空冠羣峰逕曲山更幽晨起策孤筇邀伴欣相求路

龍耳履牙卷六十一
逢採樵人指點到上頭仰看日光射俯視雲影浮竹樹
交蒙茸石塔被梧楸老僧向我揖茶果相獻酬憶昔登
茲山乃在戊子秋重陰卧繩床崑谷未及接倏忽十三
年往事空悠悠跌坐脫塵想神飄輕若鷗歡然恣探尋
奮袂窮林丘小杉旣成圍細篠亦已稠火田養茗柯引
澗漱潭湫隨意憩巉石延望遵荒疇大江如襟帶小巒
顛蝸牛纜歷三四山已竭朝暮遊西村挂夕曛暮泉咽
寒流登臨不易盡重來或可收

獨坐

客至乃吾願不至靜亦佳扇扉徒向寂坦然豁心懷鳥
聲簷外入山色空中排夜光月到床晝影花侵堦賦詩

以飲酒四時賞心諧豈不念離群常恐交成乖

小池舉網擬少陵打魚歌

罟師漁子曉咸集單禪裸袒雙脚赤酌酒賽罷馮夷神
舉網提罾各有執更有操叉沒水者跳躍快走如風疾
紛紛技取不知名攬動澄潭千頃碧少焉錦鱗上淺灘
小者數寸大餘尺觀者如堵盡村隣桺條穿魚不取值
主人諧謔顧同儔緣予與物無貪求何妨月明空櫂返
將君續作濠梁遊

三江口夜泊

殘秋天色短薄暮野烟微雨霽千峰出霜寒一雁飛小
庵茅蓋頂大路樹成圍燈火稀疎處人家半掩扉

聞笛

多情何處客吹笛入林垌江澹月初上烟高秋欲冥披
衣松影立移坐竹風聽空感愁人耳通宵臥不寧

旅次

旅次經秋慣離情半夜增白鋪荒草月紅露遠村燈避
世知非易趨時媿未能徹宵愁不寐蹤跡總難憑

宿章江門外

章江門外客暫息此徘徊排悶杯堪把添愁月又來亂
烟浮樹出一水抱城回旅店人難靜柴扉徹夜開

有所見

村落誰家女嬌羞學不成墻頭每偷望花底亦潛行未

免狂奴態應鍾我輩情微聽相顧語若個是書生

屯田道中作

熟識屯田道騎驢任意行久晴湖路穩乍暖野風輕籬
棘鈎衣綻山禽掠樹鳴行行川谷應幾處採樵聲

再遊白花菴和姚駕侯壁間韻

亂後那堪問故墟扶筇隨意訪幽居高峰種竹通樵路
古剎篝燈簡佛書一帶烟雲遊子夢滿田瓜菜野僧鋤
悠悠孤磬香纔燼蓮漏無聲響木魚

訪方子留山居

早歲相逢記不真比來晨夕最情親年華荏苒悲才子
蔬菜尋常留故人但有寸心明白日曾無屐齒踏黃塵

先朝元老今多在爭似緇衣報主身

輓方直之

哭君不是爲多才難見衰親白首哀孱弱藐孤誰倚著
飄零伯氏未歸來喪家淚灑同朝露
九日榻前成永訣至今懷抱未曾開

答李仲山

共是踈慵失意人相逢何用淚沾巾但求流俗能容我
轉悔浮名誤此身半世牢騷惟對酒十年閒寂不知春
江村雪夜寒爐火策杖衝泥莫厭頻

懷方爾止

記得扁舟過太湖倉皇就我話須臾無邊感慨盈詩卷

難盡離愁託酒壺忍饑寧甘薇蕨食吞聲豈礙馬牛呼
秋來肯發還山櫂紅葉黃花興不孤

訪方子克止飲感賦

草堂孤坐應思我蠟屐扶筇特訪君過去年光那可憶
傳來時事豈堪聞
近日交游全任嬾等閒不作北山文

答汪瑤若兼訂浮渡之遊

昨日書來詢近狀與君近狀可相侔讀書大義安能曉
飲酒沉酣不肯休一半春從風雨過三旬客爲友朋留
晴明我欲携筇訪便約浮山十日遊

同方爾止錢幼光左子直訪汪瑤若山居得三肴

卽席各有賦

近市喧卑每自嘲
故人有約赴秋郊
山深遠俗閒情遂
性僻耽詩生計拋
小圃能栽花繞屋
空林時見鳥窺巢
酒闌高詠三更後
月滿庭前樹影交

暮泊山莊卽事

山館朝昏一往回
那期窮日浪成堆
中天月帶霜風入
孤雁聲隨夜杵來
犬吠荒村聽處失
燈搖隔浦望中猜
前途漸覺家人語
候我柴門不用開

春夜道院有感

坐看月色上枯藤
道院宵闌百感興
世法難諧歲我拙
春山雖好與誰登
怵成詩句閒忘改
醉發狂言醒自憎

碌碌半生渾一夢
幾時身定白雲層

同左子直子厚郊遊

野燒平蕪望欲迷
竹籬茅舍午鷄啼
行看石上溪流長
坐愛山中柳色齊
但把酒杯忘記數
偶成詩句不須題
那堪刺眼春無賴
轉過城南日已西

左子厚招飲噉椒堂夜話

噉椒書館背城陰
秋色宜人愜素心
但使舊遊長似昨
不妨故態到于今
閒譚野史多疑案
醉聽寒虫入苦吟
見說山房新構得
明朝期訪白雲深

閒居

頻年倦客暫能閒
小築臨街靜掩關
病態漸看成老態

家山長覺似他山酒因遣悶應難廢詩為傷時只合刪
冰雪一冬寒徹骨春風好與破愁顏

得爾止書喜賦

別後霜毫入鬢根許多幽恨與誰論幾回月下無消息
數到花前有夢魂貧向故交須自愛亂逢當路漫開言
除君以外關心少歷盡人情學閉門

獨遊

野夫到處是閒身隨意幽探豈厭頻高興一時難覓醉
獨遊終日未逢人山腰僧寺依紅樹渡口漁家住白蘋
冉冉西風吹不斷早聞寒雁下江濱
有所見

新花撲面笑相迎葉葉枝枝百態生寄語青春加愛護
狂風驟雨莫無情

街頭偶見有持唐子畏所畫明妃圖者有作

伯虎丹青絕代無臨街展玩眼模糊分明出塞王妃子
錯認生還蘇武圖

妾薄命

開過好花空自生風風雨雨忒無情舊人婉順千般好
不及新人罵一聲

竹枝詞

柳浪花陰不染塵墻頭漏洩一枝春香魂搖曳多姿態
似欲窺人却避人

宮詞

選入何曾近至尊蛾眉不掃向長門生來命薄休言寵
但識天顏即主恩

客中有感

幽徑閒房且逗遛涼風招我上城樓須知僕本多愁者
令未行秋人已秋

王

虬字雲土邑之查林人崇禎末避亂轉徙豫章家于鄱陽因占籍遊泮中康熙丙午舉人兩上公車落第歸里鬱鬱而卒所鐫自笑草方子素伯屬予點定亦有可采者

登望湖亭

濤光如雪烟如綺漾月迢迢三百里青螺數點望中浮
冰壺浸徹天連水水天一色渾無際舟去舟來何時已

最好晏坐匡山顛坐看風波定復起

薦福寺

斷碣知何代遺蹤自古傳寺蟠雲外嶺僧住水中天蘭
氣香能靜松枝老更卷莫教輕放鶴衝破薜蘿烟

同張木林陳公載汎舟夜眺

一色天連水三生我共君雁知南去喜湖覺夜來清露
久重衣濕風徐兩袖輕洞簫吹未歇明月大江橫

答鍾樹生見懷之作

為問名花開未曾石臺新笋定成林三時棊酒忘人我
四壁圖書見古今景略漫談天下事子期應識曲中心
黑甜幾度神先往猶作當年夢寐吟

樹生曾夢與予夢中聯句也

同許子卜聶公端遊靈隱寺

維舟取徑入蒼崖綠樹陰陰兩岸苔桂在月中時落下
峰從天外却飛來溪泉冷共禪心靜石室深如古德開
問道久知三竺好十年猶自滯風埃

湖際

半江明月影迢迢把酒臨風坐小舸隔岸誰家年少客
綠楊深處更吹簫

潘五芝

字如孫副憲次魯府君之中子也年少能文章秀爽如哀梨并剪為人表裏洞達無崖絕

再過采石磯

江空日暮水瀾漫歸鴻一字鳴天畔但見烟樹失江村

蘆葦蕭蕭舟倚岸昔年曾向祠邊遊予獨狂歌坐石頭
今年仍作秋江客又上磯邊被月留吁嗟乎江濱之山
何突兀風流往矣人已歿江月年年照石頭不見磯邊
人捉月

喜四兄至自閩中即走茗溪為六弟完姻茅宅

勞勞千里外烽火隔頻年慷慨交情重茗溪閩中介為六弟主婚艱
難客夢懸鯉庭悲異地姜被樂同眠笑指樓頭月三旬
看往還

喜方甥位伯至得仲姊消息

漫遊六七載憶姊每臨風喜信傳吳下言旋自粵中團
圍今日好辛苦昔時同應念多年別鄉書付北鴻

過楊氏園林

不厭看花客時來
眺晚晴斷橋無板渡
臥樹借人行青
草池中沒黃鸝
柳外鳴還登最上閣
遮莫暮雲橫

同顧與治余淡心梅杓司集曹梁甫水亭

偶爾逢高會
荷亭面面開
晚風吹暑去
涼氣逐人來
船火依楊柳
城陰落酒杯
接離休倒著
笑我習家回

曉發石頭城

二年南國客
今始一帆隨
淼淼江聲急
翩翩雁影遲
人喧知月落
星動識舟移
木末清秋夜
何時再解維

千峰閣寄懷三兄

風雨懷人在
舊京陟岡岡
見弟兄情誰知
今日分吳越

曾憶他鄉共死生
桃葉渡邊看夕照
莫愁湖上聽潮聲
得來好句頻相寄
念我漳江又遠行

七夕友人夜集得宵字

晚風習習夜蕭條
美景良朋興更饒
天上好期愁隔歲
人間私語惜今宵
秋光最愛看銀漢
仙渡還疑過鵲橋
忽報樓頭明月盡
可憐此別又迢迢

送五叔父之粵中

征帆烟雨宿江頭
仗劍辭家萬里遊
爲客那堪翻送別
欲言無限不能留
雪晴梅柳饒行色
歲晚關河動旅愁
莫爲家園倍惆悵
男兒寧祇稻梁謀

修禊後一日同友人遊披雪洞

村花隄草正紛紛天半奔濤數里聞
穿松人踏石谿雲傍崖春近灘聲合
乘興不知林谷暮洞門烟鎖綠苔紋

悼亡二首

廡下雙棲甫一年記看圓月十三圓
却似鴻妻舉案賢祇道有家同白首
難將酒楮空房泣回憶音容愈黯然
剩有堦前月半輪悲風蕭瑟慘愁人
轉痛王章對泣貧鳳履空留當日跡
可憐形影思何極屈指空花十九春

峽江阻風聞鷓鴣

數家城市在山阿怪石亭亭長薜蘿
忽聽濤湧送帆過鷓鴣日落聽殘雨
何事聲聲長懊惱分明怨恨別離多

秋夜

床頭蟋蟀如人語幾處悠悠不斷鳴
淒涼原不爲虫聲

雨阻高郵聞隔岸少婦哭聲

半壁蘆扉倚岸東斷腸嗚咽雨聲中
疑是閨人淚染紅

姚文麋

字介侯樞部戊生公第七子也順治間諸生
掃地讀書達旦洛誦之聲丙夜徹里巷間以病瘵
早卒子士璽爲袁竹齋詩見貽其風致可想見也

山中晚眺

日夕山逾古登高入望紛千峰青在目萬籟靜無聞雁
寫天邊字魚吹水面文身閒心更豁長嘯送歸雲

移菊

籬邊秋漸老次第菊花開移植茅齋裡同傾竹葉杯心
猶含露潤面欲向人栽尚有經旬賞霜天雁到纔

豆棚

繁花開未罷懸實正初秋架弱臨風怯香微過雨踈長
藤穿小樹接葉覆茅廬不用靈光異克庖當野蔬

菜圃

數畝林間地鋤來勝石田葵黃含露摘瓜老帶霜鮮灌

漑寧無力豐凶亦有年昔人猶學圃予意豈徒然

過旺龍菴贈定波上人

老僧好客能留客旅客如僧喜近僧深隱只將花作候
獨行自與杖爲朋山高帶日收遙水樹古含烟鎖綠藤
禪定却忘清晝永蕭然野鶴對孤燈

過頌嘉草堂

參差送翠遠峰晴携杖沿溪信步行坐靜偶聞松子落
獲餘初見稻孫生可知秋爽宜山興信有人閒達鳥情
一院桂香傳小樹風來贏得袖懷清

山莊看梅

十月晴和信杖藜嶺梅先發向南枝風迎好客香侵袖

坐有賢人綠滿甃飛鳥銜花當磻落歸雲擁樹過山遲
漸知春色催幽事選石長吟醉不辭

明妃上馬圖

宮中深倚玉欄干一日和親上寶鞍天子可憐從未識
今朝贏得萬人看

吳日昞

字錦城武舉幼康公之長子也大父父皆習孫吳家言錦城獨屈首受書如靜女定僧退然若不勝衣爲文章爛若披錦邑侯郎公汝楫胡公必選累拔前茅年二十三無子早卒可哀也

浮山

峭壁疑無路盤旋到此中畫圖難得似天地自然工樹
隱飛泉白山迎返照紅如何幽靜處盡屬梵王宮

山中雜咏

山中風俗好淡漠益相親鶴是人家使龍爲古廟神無
疑那用卜有酒便呼隣醉後長歌往崑崙不染塵
未入桃源去安知此地偏衣裳全古樸隣舍不周旋織
婦機中事仙翁榻裡天不愁無曆日梅放便知年

春日偶步

一林橫古道峭壁長蓬蒿化雪山流合因風雁字高峰
青雲透影澗湧石生濤更到人稀處飛烟染碧桃

客中寄潘仲聲貽孫陳肆三綏四胡彥三諸子

蕭瑟風寒鐵馬聲危樓獨坐不勝情落殘梧葉空金井
開徧黃花冷石城懷友淚窮書尺素送秋詩老夜三更
可憐江北江南夢只有孤鴻天外鳴

哭母

半生辛苦倍潛然袖底干耶何處懸念子賤貧知子拙
畏人摧折乞人憐晨炊未就他家熱蠶食空餘數畝田
身上布衣經補處至今猶見淚痕鮮

光廷球

字公雅郡諸生少卓犖喜讀書整
衣雜誦貫穿經史以痛父難早卒

懷四弟

弟在桐山我在邗相違又是一年期此鄉烽火人難到
歸路蕭條夢豈知得信如同歡笑日遙懷每憶別離時
江南江北秋風苦空有池塘春草詩

感懷

往來樓上影跚跚細雨山城日夕寒愁與弟兄緜奕譜

倦從親友借書看求名那識名多累歸隱方知隱更難
處處悲風蕭瑟起匣中有劍為誰彈

山居

綠水波寒明月青山秋老蒼梧攜手採菱南浦開開放
鶴西湖

同友人泛舟湖上

稚子尋山看落花長湖橫挂夕陽斜遙知家在青松裏
只見青松不見家

方

雨

字周滋少孤無父兄之教能刻苦力學酷好
詩家雖赤貧不廢吟咏遊吳越有秋江吟小

刻歸里卧疾左子子周以竹篴昇至楚頌亭調視
醫藥卒不起子周為殯而厝之東郊士大夫皆嘉

其義
云

武林秋夜懷左橋亭先生

片榻思千里愁懷酒一卮燈殘秋老夜鴈過月寒時謾
道依人便空憐涉世癡何年酬國士授簡賦新詩

吳季鳳

字于廷號遺齋工部青芝公仲子十歲工屬
文十六補諸生侗尚氣誼掉鞅菘苑數十
年甫及七旬而歿何子存齋誄之曰先生具魁奇
卓犖之才讀書折節落筆風生順治辛卯已冠軍
而遽阻于例罷康熙壬寅以停薦而不獲舉明經
又曰晚年坐慰景園中手上下十七史取其事之
是非得失斷以臆解名曰史論暇時作詩歌寄興
性嗜奕與人對局箕踞嬉笑輒可竟日其叙述大
致如此劉君樸菴張君觸菴復做古私謚之義易
名文磊而屬予為之議合而觀之可髣髴先生之
生平矣

早起讀書

仲秋天氣涼零雨苦不歇何處避西風清晨禿白髮衰

老類寒蟬經年病惚突品隲古人書端坐儼執笏几上
蚪蚪文筆下蛟龍窟字辨石經訛傳補史乘闕烏兔日
已忙心血日已竭匪但絕知交方且疎月骨乞酒陶家
村設饌西山蕨願言抱詩書卧看龍眠月

春日言懷

園綠乘雨萌萬象吐晴絢東風薰寒惟幸不厭貧賤蕭
條新柳姿寂寞蘭亭宴餞晷惜花稀聽鶯感舌變不見
籬邊槿朝榮亦難戀追思髫英年濡筆臨黃絹中歲占
鷄壇桃李競瓊院撫昔今已非驥老力亦倦蹇予疢疾
深春山空對面豈不悅芳菲豈不貴組練素質易為工
冶容難自銜幽蘅儘有香芳草還生怨艷色滿東隣白

髮羞相見寄語韶華子佳辰太如箭

丁巳元旦

撫景惜餘年所求衣食足淹茲疾疾時還懼流光促晨
興冒風檐雨雪埋溼屋井爨屯烟霏櫺戶憂冰玉中堂
燈燭微椒盤薄從俗懶性疎至交庭草無行躋稍輯甲
子漏凍指旋拳曲謀酒禦寒威五斗誰曾蓄葭律序經
新物情變益酷同作獻歲歡憂傷唯予獨春氣漸入帷
孤芳聊自勗勿厭病與貧衰安卧正熟

讀史雜感二首

六朝僭禪代君臣俱不正休文天下士竟作梁佐命密
謀寔首倡才智頗縱橫寧與和帝仇都爲利名逆奪位

則已矣醇酒胡爲進大宴衍功臣紅顏歌舞盛側立有
妓師云是齊宮娉熟視坐中沈牢記其名姓遙望舊衣
冠聲淚將俱併垂老愧悔生鬼神乃司柄臨死信巫言
孰不笑狂病斷舌當其辜猶是夢中刃老妓一聲呼悲
哉沈家令

袁公死大義壯節千秋顯門戶不遑計百口罹兵燹巢
破一卵遺情知不能免老嫗抱赤忠犯死留餘喘匍匐
狄氏門舊推佐吏選復壁身可藏廣柳車堪輾誰知脫
網羅竟蹈虎穴蹇藐爾六尺孤須臾命俱殄生見王成
羞死對程嬰覩殺此負心徒誰曰舉不善奈何俠士雄
七首未及展天故生靈物假手申公讞勇過趙氏葵仗

義人中鮮誓不負郎君疾聲天地轉扼吭中要害溪仇
一朝剪殲惡固太奇辜恩亦不淺傷哉石頭魂心快淚
猶法寄語衣冠人身那不如犬

予著史論百篇方還山李芥須好之余曰子豈桓
譚乎吾恐後人用覆醬瓿也急掩卷爲詩以謝

焉

名山有藏書踔躡詞壇上精氣日磅礴蛇龍不敢向筆
陣鬱烟雲墨光徹俯仰姓氏不欲傳忒穎肯輕放忽逢
碧眼人破壁光蕩漾其書僅寸餘縱橫呈異狀玄草發
幽奇騷經啓悲壯一一如讞詞功罪無差量門戶厭雷
同批駁匪高亢讜論激懦頑腕力千秋仗頓使聞見塵

一洗千重障持此下酒物心胸頗開曠展讀未及終風
霾倏震盪誰操數寸管手役雕龍匠野狐竊唾餘狂獍
恣譎浪豎儒騰百家齟齬爭抵抗翻屈文字靈顛倒生
疑妄汲汲閉石函不落人間相且免覆醬瓿終同黃石
葬寄謝桓譚儔秘惜中心貺慎勿對人言恐滋忌者謗
筆塚與詩瓢今古同惆悵

戴子翼招同李石逋潘木厓戴令及江四友張如

三集似古山房且致觴祝

龍眠鬱奇峰東西夾屏嶂一派玉峽水豁山分背向中
涵太古幽境領靈修貺興諧安道遊展展丹崖上彷彿
住鹿門組紱等飄塊斗室廓地天危亭狎滉漾高瀑下

銀河虬濤助神壯雨餘山色佳飛嵐呈萬狀荷香入夜
恬涼氣先秋放結侶偕應劉綺談縱俯仰眷彼松鶴姿
執觥互酬唱造物吝暇休茲焉暢清曠綢繆方永歡夕
陽忽在望懶答招隱篇岐路生惆悵輿騎騁烟霏西山
日猶盪

看菊歌東何令遠

年年種菊東籬傍涼風九月花芬芳籬下准脩賞花處
傾罌酒色如鵝黃今年花繁倍可愛紅白參差好姿態
看花還是種花人看花故人幾個在看花人在成老翁
餐英採實飽秋風千花萬花爭富貴此菊蕭然夫不同
甘受人憐同消瘦常伴老翁霜露中對花歌酌花酒侵

辰痛飲直到酉爾我同心古人有喜招靖節一先生不
許坐雜黃金友好酬明月問青天五柳門前花在否

卧雪吟二首

對此空庭雪澄懷覺眼明粘窻看沒辨綴石聽無聲饑
鼠啾殘夜寒鷄撲乍晴梅花空有約誰結歲寒盟
短髮終須削多僧只數莖苦因家室累辜負雪峰行倦
雀歡聲少閒門葉落平由來真悔悟都向病中生

荷薪老人詩爲胡永胤賦

何處山林好容君縱斧斤薪勞憂世切荷力教兒勤野
况舒青眼歌聲出白雲公卿從不識豕鹿竟同羣

遣齋秋咏二首

誰道逢秋好逢秋亦可憐寫愁看雁過遣病學鷗眠菊
澹蕭蕭雨心灰嘒嘒蟬懸知霜葉重夜夜上寒氈
西園曾有客消息久無憑牛耳名成夢鷄皮老似僧句
奇惟獨賞命拙向誰憎習懶終成傲鳴騶喚不應

西園憶舊二首

西郊春到半陰晴極目平原忽愴神摩詰園空猶是寺
東山碁罷更無人閒隨鶴影分雙屐醉賞梅花訂四隣
記得月明書素練徘徊疑是夢中身
竹嶼烟溪白石梁故人曾共坐匡床蘭亭醉墨隨流水
藜閣花磚冷夕陽繁管不驚猿鶴夢漉巾猶帶薜蘿香
玲瓏燕子勞相慰還傍烏衣舊草堂

春雨

蕭齋隻影重徘徊雲掩樓西月隱臺幾陣小鶯衝雨過
一渠新水送花來客疎似怯苔堦滑笋苗都承夜露開
不是老夫拚醉倒傷春情性總成灰

鄧樸菴過齋心話

誰憐綵筆少年時老大同讐甲子詩豪况半隨多病減
素心全仗故人知舊遊佳蹟留春夢近事難言付酒卮
話到月沉聲更苦青衫幾夜淚成絲

寒食感事

由來成敗敢輕籌渺爾蠅聲鼓未休材少自難生管樂
地雄還是舊孫劉荒春土銜寒無食鐵甲烽屯夜竟秋

有舌漫談天下事書生元只爲身謀

馬過後郊望

蜂屯燕壘亂春暉驛柳墻桑樹幾圍綠野烏啼征吏急
巖城虎啞醉人稀金鑣色閃桃花影銀甲光團雪片飛
遙聽隔林春漸起千村纔見一燈微

重過石門冲

幽雲高鳥意悠悠喜與山人結伴遊竹送溪聲渾似雨
月團峰影正當秋筭來只是尋閒好到處還應幾日留
苦憶十年塵底事更須扶醉一登樓

初春懷左瞋樵霜鶴山中

柳梢烟織吐絲黃曙陌晴光漾草堂三徑竹風搖鶴夢

一竿春水上魚梁重翻甲子山人集亂點梅花處七裝
但聽新鶯尋舊侶左思招隱在柴桑

題張齡若新居

仲蔚潛居已十霜絳紗分處日相望三間白屋人同老
一樹梅花影過墻恰有奇峰供畫幅曾無殘客到茅堂
六時但得須臾暇送韵提壺各自將

感遇贈舊歌者

仍舊排場百轉聲斜風細雨聽三更不須更唱清平曲
惹得愁人憶渭城

村妓

楓艷蓮香滿店秋淡粧諧弄小篴篴不知若個盧郎在

笑插黃花上酒樓
白綾羅襪襯衫紅斜轉秋波店角東滿壁詩題皆繡口
不知那首獨誇儂

二人同法

亦與子集



書